



ホ 4
2010
1



0205

駢

雅

訓

纂

齊東野語
卷之十
駢雅訓纂

林美園

赤 4
2010
卷 1

光緒十
武二季
歲杜丙
戌十月
廬山後
知不足
齋重刊

駢雅訓纂

序目

四庫全書總目 經部小學類

駢雅序 舊鈔本

駢雅序 張刻本

駢雅序 从朱氏經義考擬經類所載補入

駢雅自序 舊鈔本 張刻本

駢雅跋 舊鈔本 張刻本

明史本傳 殿本

中尉貞靜先生謀璋小傳 列朝詩集閩編

鬱儀小傳 江西通志謝志

諸家評論 凡八事 附補遺

駢雅 序目

後知不足齋校刊

昭和十一年
七月三日
購求

附鬱儀所撰書序竝跋凡八則 附補遺

駢雅訓纂序祝潘路

駢雅訓纂目錄

駢雅訓纂凡例

讀駢雅識語

駢雅訓纂識語附補遺

徵引書目附補遺

校訂姓氏

駢雅訓纂十六卷附補遺

駢雅卷首

序目

四庫全書總目卷四十

經部四十

小學類一著目

駢雅七卷浙江巡撫採進本

明朱謀埠撰謀埠有周易象通已著錄此書皆刺取古書文句典與者依爾雅體例分章訓釋自釋詁釋訓以至蟲魚鳥獸凡二十篇其說以為聯二為一駢異為同故名曰駢雅謀埠淹通典籍其一齋書目所載往往為諸家所未窺故徵引詳博頗具條理非鄉塾陋儒摺拾殘剩者可比中間如藻井乃屋上方井刻為藻文西京賦注引風俗通義甚明而謀埠

以爲刻屏之屬改易舊文殊爲未確又謂都御史爲大司憲
詹事爲端尹乃流俗之稱亦乏典據至如釋天內之歲陽月
名釋地內之五邱四荒太平大蒙丹穴空桐之類皆爾雅所
已具更爲複引尤病冗蕪然奇文僻字搜輯良多擷其膏腴
於詞章要不爲無補也

駢雅序一 舊鈔本

漢揚雄最識奇字讀呂氏春秋恨不走咸陽市門增損其字以取
千金讀淮南王鴻烈以爲一出一入字直百金今二書並傳於世
而子雲取舍若此豈非以不韋之書尙多未當而淮南之作含英
咀華果字挾風霜之氣如今駢雅哉駢雅者鬱儀王孫作也彼稱
聯二爲一駢異爲同有味哉其言之也遠自六經近逮百家芳潤
旣繁采輯匪易無袁豹之書乏王筠之好鬱儀卓爾勒爲成書游
心千古之上垂訓千古之下者乎夫山有木工則度之藥有才師
則擇之散爲一狐之腋總爲千金之裘眞詞賦之資矣余讀鬱儀
廣騷祖德名士夕佳樓諸賦頌未嘗不篇篇稱善也賦家之心包
括宇宙總覽人物此選其最精者卅之作者合纂組以成文列錦
繡而爲質一經一緯一商一宮有所取材安能舍茲編哉假令揚

子而在必等諸淮南何得加增損如呂覽也萬曆己丑春日五嶽山人沔陽陳文燭撰玉山程福生書

駢雅序二

張刻本

自六經之道弗闡而世豈真傳自爾雅之學弗行而人希博物古者羣子弟於家塾黨庠也方其搏黍舞象之年未可責以徵往俟來之業姑舉六合以內鉅細遠邇稱名品物所當見而區分聞而縷析者撫蒼成編詮釋曉暢使之不貿貿然如爰居之駭鐘鼓迫長而窮經凡經中所載名稱品物幼多素習大義了然而措之於用不至鑿謬故古之經也明今之經也涉古之學也實今之學也虛爾雅所以釋經也間有篤古君子取而埤之翼之廣之矣其書具在綜洽者所不廢然其爲字也或奇或三或四而不必於耦其爲說也或辨或駁或證而亦不必於耦致考者畢簡而始明披者

累牘而難竟此鬱儀宗侯駢雅之所由作也駢之爲言并馬也聯也謂字與說俱耦者也其目曰釋詁曰釋訓曰釋名稱曰釋宮曰釋服食曰釋器曰釋天曰釋地曰釋草曰釋木曰釋蟲魚曰釋鳥曰釋獸合之得七卷諸凡高文顯冊之播汲冢西室之藏蒐漁寡陋歲月屢更用力亦旣勤矣篇仍爾雅之舊者明有所沿而不敢創也文專駢聯之義者示有所益而不欲襲也括殊號於同條標微言於兩字務使罰計之夫金根靡易耳食之子蟻螟罔悞當筵疏事定奪五花行祕質遺任亡三篋且吾夫子教學詩者必終以多識而此何疑乎鬱儀穎敏強記年甫逾壯而著述已不下數十百卷於易象尤究其微是書特游藝之一要非事末而遺本者余故率而序之貽諸爲窮經者嚆矢云豫章余長祚靈承撰駢雅序三

从朱氏經義考擬經類所載補入爵里未詳

昔者周公作雅南豳頌之詩其辭典則其義奧渺其用物也宏其
取材也古世人莫之解也其徒作爾雅以釋之則爾雅者固學詩
之津筏也夫賦者古詩之流也屈原離騷思鬱以幽文奇以崛驚
采絕豔蔚爲詞賦之宗自後司馬相如揚雄班固張衡左思之徒
皆博雅君子其所爲賦罔不醞釀古今錯綜名物以文被質度宮
中商麗句偉辭駱驛奔會覽之者五色眩爛若登太廟而彝鼎錯
陳若入武庫而戈鋌森列若步昆侖之墟璆琳琅玕無不有也蓋
涉之莫窮其源邈之莫測其本始故知雅道至淵宏哉六朝以來
此義泯泯雖間有緣情體物之作而見聞旣狹興寄益微近代綴
文之士稍厭薄之更復專務虛恢嫵緩其辭僻怪其字懸疣附贅
余無譏焉信矣好古之難也豫章宗侯鬱儀者今之振奇人也慨
風雅陵遲詞賦寢頓冥搜古昔旁采方謠原本山川極命草木於
凡駢偶之語宏侈之辭靡不該而存之體倣爾雅作駢雅七卷箴
縷繚繚攢揆峴齶璧合珠聯輝煌炳煥自是之後作賦者有所取
裁矣雅道庶可興哉善乎王通氏之言曰詩者人之性情也性情
安可無乎夫世不能廢詩又何可無賦則爾雅駢雅當並傳天壤
間亦千古作者之林也孫開撰

駢雅自序

舊鈔本張刻本

言以足志文以足言自六經已然君子不病夫足文之言而唯枝
 葉無當之辭是辟也試觀盤誥雅頌厥亦選艱而挹蹟矣今去商
 周二經義考千餘禮其雕章畫羽方言殊訓與夫制事錫名豈不
 淵且博哉畸文隻句猶經義考得訊之韻籀家書乃聯二為一駢
 異而同析之則秦越合之則肝膽古故無其編焉非藝事一大歎
 饑經義考哉暇日檢諸解詁排纂散幽經義考之文經史子流經
無饑字考子史流稗官媵說罔不搜括條貫依爾雅廣雅之義作駢雅七卷
 所見異辭所傳寫異辭皆不刪廢要使夏五郭公之例存焉耳經
考耳若子耳目所不及接或幽僻放軼所未攬倘亦俟夫博識君
作爾子紹而充之則予敢以葦路驅乎哉其固陋也惡乎辭萬歷丁亥
 五月己亥朔朱謀埠鬱儀甫言

駢雅跋

舊鈔本張刻本

家公天性簡靜以不試故益潛精于學凡經緯圖史支流羣藝靡
不探核其奧嘗說易說六書通歷算皆研幾索隱鈞深致遠神聖
無所遁其情矣暇日又攬古駢偶合并之言近於典麗者依爾雅
而作駢雅珠纍璧峙哀然乎稱異書焉銀學詩賦于家公恒苦見
聞未舊鈔本見聞作聞見未作弗博既奉駢雅遂得肆觀夫要妙幽奇之文若
登元圃臨崑侖熊熊魂駭心奪目銀敢自私以諱我家公之寶
哉遂梓以傳公著有周易象學五經稽復古今通歷字統宏雅皇
典肇史海語元覽物識怪史南昌耆舊傳四百餘卷以貧不能遽
刻尙俟他日云萬曆十五年丁亥歲五月五日男輔國中尉統銀
敬書

明史本傳

寧獻王權太祖第十七子洪武二十四年封踰二年就藩大寧永樂元年改封南昌正統十三年薨世子盤斌先卒孫奠培嗣宏治四年奠培薨子康王觀鈞嗣十年薨子上高王宸濠嗣宸濠濫弟素方正宸濠欲屈之不得宸濠敗宸濠得免于輔國將軍拱樞孫奉國將軍多燿曾孫鎮國中尉謀埠三世皆端謹自好而謀埠尤貫穿羣籍通曉朝廷典故諸王子孫好學敦行自周藩中尉睦樛而外莫及謀埠者萬曆二十二年廷議增設石城宜春管理命謀埠以中尉理石城王府事得劾治不法者典藩政三十年宗人成就約束暇則閉戶讀書著易象通詩故春秋戴記魯論箋及他書凡百十有二種皆手自繕寫黃汝亨爲進賢令投謁抗禮劇談久之遂巡改席次日北面稱弟子人兩稱之病革猶與諸子說易

併推

專

子八人皆賢而好學從弟謀贊築室龍沙躬耕賦詩以終
按鬱儀事實已見卷首明史本傳與所引諸書略同惟獻王權
以下支派他書較略又子八人本傳未載其名他書亦有歧互
今悉據所見諸書補入以備參考

中尉貞靜先生謀埠小傳

列朝詩集閩編第五

謀埠字鬱儀以中尉攝石城王府事孝友端直束修自好理藩政
積三十年墜戶讀書絕綺紉鮮腆之奉貫串經史博覽羣籍通曉
本朝掌故明興以來宗支繁衍諸王子孫好學修行比西京之劉
向者周藩睦樛之後未有如鬱儀者也著書百有十二種皆手自
繕寫稿至數易未嘗假手小胥辨論古今傾倒腹笥黃貞父爲進
賢令投謁抗禮劇談久之逡巡改席次日遂北面稱弟子人兩稱
之公留心史事常論書告余願盡出其藏以相飲助繕寫經歲卷
帙宏多餘于令爲余邑子屬以相寄令酒人也儻其書而焚之至
今念之猶有餘恨

鬱儀小傳

江西通志謝志

朱謀埠字明父一字鬱儀寧獻王十世孫封鎮國中尉萬曆丁卯

給諫葉初春以學行薦於朝巡撫邊維垣巡按陳倣交相推轂得旨俾縮通侯之章理石城王府事公族有所紛競無不請質埒片言剖決皆屈服而去生而天資穎異目所流覽終身不忘以先儒譚易尙理而置象不能獲文周孔子立言之旨作易象通八卷以晦翁註於比興微詞妙旨多鬱而未章乃原本小序酌諸家得失作詩故十卷疾緯候之亂三五典墳也作邃古記八卷以糾正圖讖之尤謬疾李斯之變壞頡誦舊文也作古文奇字輯解追述先聖之制作以鍼砭漢世訓詁之沈疴他若書禮春秋魯論大戴各有箋疏又著金海百二十卷異林十有六卷駢雅二卷六書本原一卷說文舉要水經注箋四十卷豫章耆舊傳二卷藩獻記一卷晚成古今通歷用其法推左傳僖五年正月辛亥冬至昭二十年二月己丑朔冬至以爲魯史所用皆周正故經書春王正月明非

夏商之正也於時諸侯僭竊天下衰微鮮行頒朔之禮晉楚大國或用夏正未能齊一魯秉周禮獨不敢變故孟獻子稱正月日至可祀上帝是已其論醫則有取於張子和論王遁則有取於祝必論陽九百六則有取於王希明悉鑿鑿見於徵驗而於堪輿之說尤精嘗言祖墓病水以語諸父兄弟咸弗信會羣從暴卒者十餘輩埒不能忍遂自發之墓中果積水若溪澗諸父始遜謝自咎別移吉壤太史焦竑嘗曰鬱儀制作精微宏博一依六經莫可簡選湖廣李維禎山東邢侗福建曹學佺屈指江右人物輒首及之子統銓崇禎丁丑進士詩澹遠高古稟煨於兵不傳

人物志

諸家評論

鬱儀事不多見茲採諸家說部有涉中尉事者備錄之以資攷

核凡八事

冷賞一事

信州鄭仲夔曾司

西山天寶洞道書為十三洞天朱鬱儀嘗曰吾書成其藏諸此乎
故後人目其所撰著曰天寶藏書公著書凡一百十二種曰周易
象通周易寤言周易占林詩故五經稽復毛詩草木蟲魚疏集解
駢雅宏雅演爾雅邃古記甲歷歷代紀年考怪史廣國語兩漢逸
事南齊記高典三朝甲歷世紀今論明典故藩大記藩獻記皇明
惇史歷代名臣言行錄默記皇圖頤記江右名勝記江右小史武
策南昌耆舊記按注豫章古今記廬山記羈縻合志異域圖說方
國殊語歷原歷記歷纂合朔算例古今通歷今歷矩度字原表微

說文質疑六書貫玉六書緒論六書本原古文奇字輯解三古文
釋七音通軌古音考楚辭古音樂語名隱子新說元象記玉燭記
物緯閩海異物志海語小酉記古今異林鉛梨志頤記元覽古今
名言國朝善語要言莊子約淮南子要解五苑南北史贈法苑珠
林抄金海水經注箋水經注鈔注庾開府哀江南賦正文心雕
龍金石文選廣廣文選六朝殊選祇園語明文繁露古學府拾遺
六朝詩類璧詩韻宋詩選元詩選明藻詩菁英藩藻鱗角集初雅
枳園近稿枳園文集豫章社稿太乙金匱選擇捷要陰陽通宅兆
元經奇門摘要內經要略內經小傳醫詮岐黃鈞元肘後鴻寶祕
方罕言編通計百有六種已刊布者十五種未就梓九十一種外
有六種天寶藏書目佚其名

耳新四事

信州鄭仲夔胄司

王孫謀字鬱儀以中尉攝石城王府事權埒郡王然秉質端尙
造次必於禮教瑾戶讀書絕粉白絲竹紈綺鮮腆之奉尤喜延接
四方士以聲氣相悅慕者歲無虛日與人交久愈篤理藩政積三
十年人以寧一著書百有十二種皆手自繕寫稿至數易未嘗假
手書僱易簣前二日猶與諸公子說易指示詩文宗尙是夕有星
光大如斗墜里中左右闐闐相驚告棲烏皆鳴越二日而公逝南
州人士私謚之曰貞靜先生有子八人統銀統鏹統鏹寶符統鏹
統鉦統鑲統鑽皆賢而好學世謂其遠過荀氏八龍
朱鬱儀博綜多聞著述之富百倍中壘而謙抑好士不欲以所有
加人每館閣中遇故事隱僻者貽書相問輒裁答如響詩有集唐
集古余友朱鬱儀諷古十首乃更集諸子銘鑄之巧妙極自然非
胸中有萬卷書筆下無半點塵者安能爲也雷司空暎謂其稟龍

沙閒氣而出又謂其不神不仙而以著作結為大年誠然

余以戊申秋始交費文孫雲仍至丁巳冬凡十年而文孫卒以己酉冬交汪恭仲櫛至丙辰冬凡八年而恭仲卒以乙卯春友程輔嗣康棻至癸亥秋凡九年而輔嗣卒以乙卯秋友鬱儀王孫謀璋至甲子夏凡十年而鬱儀卒今歲五月中吾兄又忽舍我去矣時甲子仲冬日也

湧幢小品二事 湖上朱國模文甯

宗室謀璋所輯異林中有多男一款備矣尚有未盡者故摘出如左附異林記二則云云

所輯夙慧數款甚少惟異林記詳備今并大年一款稍訂正錄於後云云

按夙慧一門載任賢年十二明詩易春秋號任聖童原注後漢

書與駢雅所引同今范書作任延未詳所據何本

因樹屋書影一事 祥符周亮工櫟園

西蜀楊升菴太史著書至二百餘種豫章朱鬱儀中尉著書至一百十二種當時曾未聞有茂陵之求張天如雖一時名流然無多撰著當時至見之章奏求其遺書人有幸不幸如此

附鬱儀所撰書序並跋七則

易象通序 京山李維楨本甯 侯官曹學佺能始

昔者孔子晚而學易而為之十翼其指曰易者象也象也者像也由周迄漢治易者率先明象迨晉王弼尚名理而宋邢恕輩因之至欲棄卦畫不用程氏傳專言理義邵氏說盡主象數矣然而識者多有遺議李鼎祚謂鄭康成參天象王輔嗣釋人事馮當可謂王與人事疎程與天道遠天人寧可偏廢耶陳瑩中舉邵說似劉

器之劉不其然朱子亦以必見意象方可說理而與劉君房滕珙
言本義有模印之戒其定論如此人情畫狗馬難而鬼魅易是以
爲象數之學者卒不勝而自舉子業出易象益置不講矣友人朱
鬱儀讀易而嘆曰說易者莫如孔子孔子曰八卦成列象在其中
此象之始也書契興而結繩遠後聖廣爲之象以開物象有數故
曰極其數遂定天下之象象有辭故曰彖者言乎其象聖人設卦
觀象繫辭焉吉凶者失得之象也悔吝者憂虞之象也變化者進
退之象也剛柔者晝夜之象也易之爲書安往而非象書不盡言
言不盡意立象所以盡意象之不明意言何有乃爲易象通八卷
近取身遠取物揆人事以合天道使讀者占者犁然各當於心而
始信夫聖人吉凶與民同患之理彼訓詁支離與索之窈冥昏默
者皆非孔子指也易無方而象有方象有定體而無定用陽一君

而二民爲君子陰二君而一民爲小人三畫之象八卦小成之體
也二與四三與五同功而異位重爻之象六位之體也因而重之
不可勝象矣八卦之象旣已爲天地風雷山水火澤矣而說卦更
廣之見天下之蹟而擬諸形容象其物宜因而廣之象不可勝用
矣鬱儀之名象曰通有以也見乃爲之象往來不窮謂之通化而
裁之存乎變推而行之存乎通變則通通則久要之範圍於孔子
孔子之指不明天下始遺象而言易遺象而言易則徇象而言易
者階之過也有狗象而後有遺象不遺象而後象通興焉通也者
懲於狗與遺之弊者也不曰得心而忘象乎惟通而後能得惟得
而後能忘惟忘而通之能事畢矣亦孔子之指也 李序

古注易不下數百家罕有以繫辭說易者說易而不本之繫辭如
挈衣而不得其領者也繫辭不云乎君子所居而安者易之序也

所樂而玩者爻之辭也易卦爻皆序也卦爻辭皆象也樂斯玩玩斯無窮矣豫章友人鬱儀氏作周易象通一書其道主變其說順乎本文而不爲穿鑿大要本之繫辭者也曹序

水經注箋自序 齊安李長庚序 天都黃晟曉峯跋

在昔志地者禹貢而下代有撰述迄於齊梁至二百四十四家陸常侍澄任太常昉先後集爲一部名地理書極稱該博隋唐之際圖史散失陸任所纂已不可得而別集自行者猶五十餘家乃今所傳僅山海佛國十洲神異數種而已然而奇編奧記往往散見水經注中造語命詞殊爲彪炳則知水經一注擷彼二百四十四家菁英居多豈不誠爲六朝異書哉顧傳寫旣久錯簡譌字交棘口脛至不可讀余甚病焉間嘗紬繹割正十之六七已與友人綏安謝耳伯葵源孫無撓商榷校讐十得八九則懼古今聞見互有

異同未敢輕致雌黃也乃援引載籍以爲左券名曰水經注箋篋而藏之萬曆甲寅齊安李公分陝江右旣及奏最政教恢卓風化穆清甘棠之頌洋溢郡國間於退食之暇延見紳帶表章幽微一日詢古先逸典於太學生李嗣宗嗣宗偶以不佞水經注箋對公遽索觀之慨然嘆曰是書脫誤可憾幾欲淪廢乃今箋校精詳殆還酈氏舊物可無與當世好古之士共觀乎遂捐鍰梓之仍屬嗣宗董校其事極深研幾閱五月而告成嗟乎水經一書原本山川而作非有道業名理可味也又非當世博士家言所急也李公一見輒命梓之豈無概於中哉夫水在天地間猶乎世之貨財也發源名山流成江河趨爲四海蘊爲雲氣還雨天下以浸潤萬物未嘗少壅也一有所壅卽至泛溢昏墊患被四方猶之高府之財瓊林大盈之藏蓄而不散納而不出理極勢窮潰決雷駭此則不觀

川壅而潰之既也有國有家者使能因是水經之理引申觸類以施於政何患不地平而天成乎然則公之刻此用意蓋深遠矣非規規小識所能測度矣萬曆乙卯孟夏朔日南州朱謀瑋撰
水經在楊用修時以爲久湮按刻方始而去其注近方有吳欵二刻并注盛行於世惜其中尙不無譌謬嘗謂古書一有譌謬便成廢書然在他書譌者猶可以理測可以意更且一字之譌未必能累篇一篇之譌未必能累卷惟水經有譌非足跡所履非圖籍所載不敢擅定且出過注人之異勢也江淮河漢之異名也一字之譌逕派稍異分合頓殊此無以通彼無以受譬之人身脈絡之間一節有礙卽爲痿癱故是書校刻之難尤倍他書南州鬱儀氏專攻此書有年而架帙甚富腹笥更廣又與四方博雅之士所得於遐接逖覽者互相參糾漸歸於是遂成此書忠臣李生克家佐有

勞勩一日持以相過余往讀是書每遇疑處不能自通輒爲寘卷今得聞所未聞喜而刊之于署因嘆古人著書立言皆於古無所沿於人無所倚或窮天文陰陽之變或索與地廣闊之形或藉之名山大川或馮之耳目手足或闢千古特立之見或創從來未有之書故終其身著一家言以成名而今人載籍滿目勘訂甚易乃不能爲古人保已成之緒則何古今人之不相及也世界有四大水居其一然古今至變者亦莫如水乃有疑是書與今水不無相迕者不知此適以明其變耳又有疑桑欽於史缺其名者夫司馬遷之傳以史記也至於漢書一傳不過寫其自序文耳何足重遷班固之傳以漢書也亦不以范曄後漢書之一傳重也欽以水經傳奚必以史重於經邪又有謂酈注太贅者經固宜簡注固宜煩經宜據實以書注宜旁引以證彼疑其任傳而疑經者不曰郭之

注劉之注裴之注非注也各自爲一書以行也何獨疑於酈乎況其鈎探羣書宏鋪抒述新益見聞尙慮是書之易竟矣今注箋一出而變者可定缺者可信博者可該疑者可證是經之功不在禹下而箋校之功亦不在欽下矣李生謂是書成當一序之余笑曰水經無容序也水經而贊之以序猶序書經而贊其政事之嘉序詩經而稱其風雅之致也不幾於燭火而助日月之光乎古今序水經者皆複語也可無序也惟序其所以箋校水經者如此其諸君子之姓名則俱載編首之下萬曆乙卯西楚李長庚撰

自昔山川莫定著述之家志輿圖者代有其人數傳而後卷帙散佚已無足稽惟漢桑欽氏撰輯水經流傳最久然大綱具舉而節解猶疎後魏酈子道元窮源竟委而詳注之考訂不厭辭煩引證必求實據於是經以簡貴注以詳明彼此相成厥功甚懋嗣後朱

謀璋復增注箋蔡正甫又作補正是皆羽翼二氏爲功川阜者也夫古人著述原以昭示後人而傳世行遠尤藉後人保護而珍藏之第萬物與時消息維彼金石尙有磨磷區區棗梨興毀又奚足怪哉此予所以覽舊刻而不禁慨然也方今水利宏開寰宇稱便渠河溝洫皆厯

宸衷則是水經一書胡可淹替爰取舊本重爲校刊俾作之於前者得以流傳於後聊存好古之心用普同人之願云爾乾隆癸酉秋新安歙西黃晟曉峯跋

按跋稱朱謀璋復增注箋蔡正甫又作補正二語殊失之未檢考蔡正甫乃金禮部郎中所撰之書不應次于鬱儀之後況其書久已不存僅據元文類鈔得歐陽圭齋一序曉峯於何處得其書而錄之且卽錄得其書而補自爲補箋自爲箋亦當先後

標明更不應混而為一若謂鬱儀注箋係就補正本核定庶乎其近之爾

古文奇字輯解序 閩綏安謝兆申

楊桓統而博薛尚功釋道泰韻鍾鼎而不辨王楚黃伯思博古而不釋羅更翁呂大防王球考古集古而弗倫徐鍇張有趙古則膠舊而好強魏校王應龍吳元滿狗臆而立變惟朱公忠古而理

通雅卷首之二小學大略○統而博疑當作統而弗博存攷

按此序不全姑錄其評隲諸家數語亦可知當時傾倒於朱王孫者至矣

又按方氏通雅於輯解一書尚謂其未會通經史然於卷首之一音義禘論亦謂少溫之論百虫漁仲之論成戊季昭之論古亂辛泉之載臧步合溪之論良朋伯溫之言辰亞子才之論因

亥寬完沂原以單為雛總要反身為臣鬱儀之言歟具皆有補於前人不能盡引則亦推論中所共相稱許者矣原注歟即病字具从囙囙即秬鬯之鬯又胥疋雅相通一條引鬱儀以疋為華夏之夏器以从工為近一條引朱王孫以𠄎即器車虺虺有聲也器物有方有圓器省作器又訛从犬皇同文為望一條引朱氏曰古望字从𠄎諧聲是古誑字後乃作望𠄎多少皆有宜音一條引辛泉云宮中二人當夕謬甚鬱儀以為古晦字𠄎即香一條引朱王孫曰𠄎古𠄎字標票从與一條引朱氏曰古文作𠄎𠄎即助魏吳俱从之雅故雅言訓故也一條引𠄎古文古字朱氏以為鼓象建鼓之形加古諧聲趨趙猶釗超也一條引方言釗超遠也說文趨趙也朱氏謂趙即道則或先有肖聲道遙古作消搖一條引鬱儀曰古趙即道京山引

太元翁首雖欲稍搖天不之茲注作逍遙愈庾庾痠痠一條引鬱儀曰愈乃古豫字斷斷韶韶一條引辛泉曰韶旨哀切朱氏以爲剽字蓋古專尚相通而尚又轉通斷也疊疊疊疊一條引古文奇字作關關關管管管篋篋篋一條引古文奇字函古管字鳥和鳴管管然也卽關關雉鳩之關以上各條皆方氏所取則亦未嘗以中尉書爲概不足據也

詩故 四庫書提要

欽定四庫全書總目經部十六詩類二詩故十卷明朱謀埠撰謀埠有周易象通已著錄是書以小序首句爲主略同蘇轍詩傳之例而參用舊說以考證之其曰詩故者考漢書藝文志詩類有魯故二十五卷齊后氏故二十卷齊孫氏故二十七卷韓故三十六卷毛詩故訓傳三十卷顏師古注曰故者道其旨意也謀埠是編蓋用漢

儒之舊名故其說詩亦多以漢學爲主與朱子集傳多所異同其間自立新義者如以小星爲贄御入直以斯干爲成王營洛周公所賦之類未免失之穿鑿然謀埠博極羣書學有根柢要異乎剽竊陳言蓋自胡廣等五經大全一出應舉窮經久分兩事謀埠深居朱邸不藉進取於名場乃得以研究遺文發揮古義也經術盛衰之故此可知其大凡矣

校正文心雕龍跋 從海陵田寶臣茂才藏本鈔錄

往余弱冠日手鈔雕龍諷味不舍晝夜恆苦舊無善本傳寫譌漏遂注意校讐往來三十餘年參考御覽玉海諸籍并據目力所及補完改正共三百二十餘字如隱秀一篇脫數百字不復可補他處尙有譌誤所見吳歙浙本大略皆然雖有數處改補未若予此本之最善矣俟再諮訪博雅君子增益所未備者而梓傳之亦劉

馬牙
氏之忠臣私苑之功臣哉萬歷癸巳六月日南州朱謀瑋跋

駢雅訓纂諸家評論補遺

耳新二事

信州鄭仲夔曹司

朱鬱儀性至孝母俞淑人患瘧下公方同病骨立猶彊起乞以已
年增母算夜夢天神來告曰久利氣陷當於香連丸加升麻少許
因如其言一服而愈

歷家謂閏月爲天縱朱鬱儀閏三月飲龍沙詩且極天縱娛相將
傾桂醕

冷賞二事

信州鄭仲夔曹司

雲間楊太史汝成癸酉典豫章試是科得人如余友朱夢得統銓
古心道韻程俊民兆科英瑰不凡皆青錢之選也
劉太史理順恬淡介特所居僅庇風雨朱大行統銓過其間嘆曰
鼎元每三歲而有以三十年孝廉而數椽之屋不改幾同顏氏之

併佳

平命甫豈

陋巷如此品者真不可多得也

按以上二事足徵他書所載中尉八子中有統鉦而無統鉦之
譌其字夢得捷癸酉鄉試甲戌成進士官行人亦僅見此書竝
存備攷

明詩綜三事 秀水朱彝尊竹垞

宗潢朱謀埠詩四首謀埠有枳園近臺雷元亮云鬱儀古體出入
漢晉温厚典則近體頡頏初盛高渾雄麗而又宏之以典籍參之
以多聞足以名家

南昌郭外有龍光寺萬曆乙卯二月豫章詩人結社於斯宗子與

者十人 多燠字知白石城恭靖王奠堵之元孫 則宜春王孫謀剴文翰瑞昌王孫謀

雅彥叔石城王孫謀埠鬱儀謀圭禹錫謀醇誠父謀塚潘甫謀盤
辟疆建安王孫謀鼓更生謀聖禹卿謀剴緝其詩曰龍光社草郡

人都察院右都御史掌工部尚書事徐作汝念刑部主事張壽朋
冲穌序之

明初舊典宗室子不與內外銓除後因御史李日宣等所請援祖
訓換授之法言皇族宜通仕籍得旨允行天啓辛酉晉藩慶成温
穆王表桐之曾孫慎盜始舉辛酉山西鄉試明年壬戌賜同進士
出身除中書科中書舍人歷精膳主事至崇禎戊辰寧藩瑞昌王
孫統錦由進士改庶吉士累官南國子祭酒自後甲戌則蜀藩奉
鉗寧藩統鉦鉦謀埠子也丁丑則寧藩統鎖統鏢庚辰則周藩朝
壘在鉞寧藩統鉦癸未則代藩鼎淩廷塔寧藩統鎬議汴皆以宗
支取甲科

水經注釋附錄一事 仁和趙一清誠夫

按中尉爲明寧獻王權之諸孫曰石城王奠堵奠堵之諸孫曰石

併准 平命甫貴

馬雅
詩論不遺
城鎮國將軍宸浮中尉宸浮之曾孫也水經注箋乃其生平力學
之驗後之論者如顧亭林以爲三百年來一部書見尚書古
文疏證謝耳
伯名兆申孫無撓名汝澄李嗣宗名克家三子與有功焉近年眞
州重又鏤板頗稱工緻然竊朱箋以爲已有多刪節尤乖旨趣
俗學疑焉故表出之

附鬱儀所撰書序

詩故自序 仁和黃汝亨貞父序

說詩者毛韓齊魯互異非一傳一說可得而概也愚者膠其師授
竊竊然自以爲知詩其用隘且隘矣予之說非敢盡詩之用也將
以通乎毛韓齊魯之固也蓋自束髮誦詩迄今五十餘年所見諸
家義疏率多牽於舊說其於比興之際微辭妙旨往往鬱而未章
嘗爲詩故一卷傳之吳中好事者頗采用其言乃後知予說之不

大乖刺亦有當於人心矣爰以暇日研究物理會通訓詁集其神
明而酌其得失三百五篇各爲之說次爲十卷仍名之曰詩故
雖非告往知來亦頗發先儒之未發矣若夫進於溫柔敦厚之教
止於不愚之地達乎可興可怨之情以極乎詩之能事則三百五
篇具在能言詩者自得之矣俟是哉自序

仲尼述六經刪詩以垂不朽子夏親承其訓故小序得者什九毛
韓魯齊遞爲之說各有師承而考亭訓注大略於雅頌多合於國
風多離如執放鄭聲一語而鄭衛之詩概從淫邪不知夫聲之非
詩也鬱儀說詩大都原本小序按文武周公以來春秋左國之事
而次第其世考其習俗論其人而以意通之集諸家之成無失作
者至意孟軻氏日以意逆志是爲得之又曰誦其詩論其世此眞
善說詩者吾今見鬱儀矣黃序

明朱謀埠論古文奇字

佩文齋書畫譜卷二論書一

昔揚子雲好奇字而不釋奇字許叔重釋秦文而不釋古文夫字本於文文本形事與意各有攸當非有奇也自我識之磽陿淺渺遂以為奇也傳寫得真斯稱古文一涉譌脫遂成奇字古文得解則奇字自昭奈何兩漢博雅多聞之賢舍古文不一措意顧較義例訓詁於斯邈小篆之間使後世不復知先聖人制作文字之精微乃馬頭為長持十屈中之說變眩耳目錢入肝脾欲古文宣明豈不難哉

古文奇字輯解

水經注釋自序

仁和趙一清

盈天地之間數物有萬而物莫不始於一說文部敘始一終亥徐楚金曰一天地之始也一氣之化也天一生水而地六成之五行之次惟水最先此易數與箕疇牙相發也故水浮天而載地元氣

之布濩筋脈之流通昔賢撰述尊之曰經酈氏條分詮之曰注審其遠近之端詳其小大之勢于是源流之徑趣歸宿之殊區所謂經水枝水川水者百世悠悠如指諸掌唐六典云天下水泉三億三萬五十九蓋若是之夥也觀夫善長之為人志氣剛毅故起例謹嚴博覽羣書故馳詞絢發以視江左諸公習尚浮華競誇雕組殆羞與絳灌為伍矣後之職志方輿者如李宏憲樂子正王正仲之流莫不掇其菁英奉為著蔡其間缺失五卷始記於崇文總目暨宋南渡中原文獻或失其傳學士大夫罕言其義雖嘗補於元刊于明日月寢久論舛實多南州朱鬱儀中尉起而箋之疑人之所難疑發人之所未發論者以為三百年來有數之作余愛之重之忘其固陋而為之釋釋之云者所以存朱氏之是兼弼酈亭之違也錄取片長便成佳證助之張目足為快心若夫箋有繆鑿則

削而投之所遺漏則補之別爲刊誤不欲羈入卷中惑人視聽間
關歲月始勒成編余因思水之爲道也由人之治與不治耳治之
則爲利甚溥不治則爲患甚鉅而是書又在人之能讀與否耳善
讀者追維古帝降水警予之心用致地平天成之業而況農田水
利之興慶流于宗社澤被于生民關中鄭國之渠秦所以卒兼諸
侯也塞下宜禾之府漢所以遂威絕域也陳協代龍之堰安平沁
口之塌智通在我雲雨由人干戈擾攘之際曷嘗廢浚遏之勤乎
且夫李冰之平溷崖楊渙之開石牛周君光瀧水之勳張景明漳
河之績載籍書之于今爲烈彼杜君卿之不揆顛末橫肆譏訐鹵
莽滅裂斯已過矣嗚呼八枝代絕九晝茫茫河身南徙淮不敵黃
二渠不醜四瀆或亡豈天數之使然抑人謀之不臧也若乃絺章
繒句躡影希聲規索枕中之祕竊侈談柄之助風斯愈下吾無取

焉

按一清書刊於乾隆十九年其時尚未見永樂大典本故道元
原序尙未得錄其全乾隆五十九年一清書始收入四庫全書
著目提要謂自官校宋本外外間諸刻固不能不以是爲首是
鬱儀書舛於前誠夫書匡於後二書均足尙也

水經注箋天都黃晟曉峯跋按語

夏氏文燾曰嘉定錢詹事補元史藝文志附載遼金作者其地
理類有蔡珪補正水經三卷又云一作水經補亡四十篇卽此
書也珪附見金史卷百二十五其父蔡松年本傳

茂林按珪作水經補亡四十篇見元遺山中州集圭齋序云三
卷蓋補酈注之亡每卷一篇至蘇滋溪刊行釐爲三卷考詳趙
氏一清水經注釋附錄下

辨詳

平論補遺

五

後知不足齋校刊

駢雅訓箋序

鬱儀著書至多所按水經注尤有功學者學林稱爲有明三百年來一部書不虛也駢雅七卷雖非其精神所關然援據精奧甄羅廣洽一齋祕籍世多未見夫豈冬烘餽餽之業所能望其肩背乎曩從館閣鈔得此書屬陽湖董生方立箋之止成釋詁一篇旋即祝予笛生同年素業精雅尤善奏文於此書者之甚篤討論有年豪凡三易乃成訓箋十六卷昔人稱羅泌路史爲無關經術有益文章以二書互勘必好爲臆說多乏典據則孰若鬱儀之博而精爲足沾潤後學乎然非箋者之精神與作者相應不足以發之也豈特竟方立未竟之緒云乎哉方立不年箸述多未就惟算法歸然足傳其輿圖則李申耆前輩刻之水經注以樸學無治者世有鬱儀其人跂予望之矣道光甲辰固始祝慶蕃敘

駢雅訓纂序

文字之興緣聲達意因意造形故聲音爲訓詁之原然水土氣別則音分清濁古今代嬗則聲遞轉變同一字而音韻互歧同一音而形體各判此轉注段借所以輔諧聲而行也言有短長文有散對事取相譬義則同歸昔周公作釋詁以教國子俶落權輿均爲始稱皇王天帝是曰君名抽句雖隻摛辭非單卜子叔孫轉相附益而爾雅之書亞於六經繼是而起者三蒼方言同異畢貫釋名廣雅與曲悉宣凡以通古今聲音訓詁之變而已六朝以降寂爾無聞明季朱鬱儀病學者之樂趨簡易而罔識古訓因櫟栝字書參稽箋注旁羅周秦漢魏以來文史子集作爲駢雅二十篇其按討之勤彬彬乎與張揖抗衡已記曰聲成文謂之音文之成一字不足偶之而二則意見矣古人每取訓於雙聲疊韻蓋義無可段

以音比之反切之原音韻之奧率寓於是此鬱儀名雅以駢之意也同時方密之著通雅差可肩隨鬱儀以密之自爲注世多傳之而是書徵據奧博既無箋釋讀者望洋以故流傳絕希余同年友龍巖魏笛生博通往牒尤精雅故取鬱儀書爲之訓纂成十六卷推原本始縷析條分間亦加以補正美哉備矣既授劄氏問序於余余惟注書難注雅尤難樊李孫郭遞相補救此非彼是卒少會歸後儒競起抉摘爬梳不遺餘力然必謂一一脗合則亦孰敢自信惟近儒吳氏山夫之別雅夏氏味堂之拾雅依密之通雅例自疏所出則永絕羣言今以笛生之注讀鬱儀之書則合如符節即使鬱儀自爲注亦何以加茲噫駢雅之作自云藝事若僅供摭拾之用而體仿爾雅世復苦其佶屈湮沈者且二百餘年今得笛生之注則知鬱儀是書枕經薛史有核百家誠詞林之淵海古訓之

輶軒學者讀鬱儀書而深究笛生之注用上通前賢語言文字之源流則可以淹貫羣雅豈值多聞而已哉余是以樂爲之序道光戊申年孟夏月年愚弟潘錫恩撰

駢雅訓纂序

小學今分爲三曰訓詁曰文字曰聲音而古無是說許氏說文雖主辨體而某字从某某聲从某省聲或象形或會意訓詁之義卽寓於制字之中亦卽寓於聲讀之中顧說文者說諸字之文也字各有其文文各有其說自六籍假借用之而一字之文乃有數說自史子增創用之而同說之字乃有數文於是爾雅釋之而不足張氏又廣之張氏廣之而不足陸氏羅氏又埤之翼之自文章家又牽連借用而同文同說之字乃更合楚越爲肝膽聯鐘缶爲宮商文以相儷而成說以互孳而變紛紜遷襲莫可究詰於是鬱儀朱氏駢雅一書乃不得不作蓋其冥搜博綜誠諛語之會歸小學之極致者也然傳本甚稀卽偶有得其鈔帙者而奇文奧典閱之旣爲駭目讀之更覺棘口

本朝餘姚邵氏休甯戴氏鎮洋畢氏

馬牙 月
高郵王氏爲漢學宗匠於小學諸書均有推闡獨此編未曾道及
豈非藝林憾事笛生長者於懸車養望之暇乃奮然訓纂此書以
繼四君子後莊以年家子之誼獲乞一帙伏案讀之乃知長者之
用心苦而用力周也夫註古人書難註鬱儀此書尤難繙閱不博
莫知出典其難一得其出典或文偶不同或義偶不類則必別爲
甄討以歸於當其難二典有兩出必探其先語或相乘必究其往
其難三訓詁之學必兼音切音既多歧宜衷一是其難四鬱儀所
見之書未必無一譌誤也摘其譌誤則有以勘正爲註者其難五
近今流傳之本未必卽鬱儀所據也迹其本源則有以互讐爲註
者其難六荅還之爲小果離支之爲荔枝名可入於釋訓夏屋之
爲大俎俾倪之爲車杠名可通於釋宮擇焉不精鮮不致混其難
七一守宮也槐以之稱蜚蜴亦以之稱一日及也槿以之名月氏

牛亦以之名語焉不詳反以滋惑其難八而長者之心精力果俱
足以舉之此編一出而後學之津逮者不乏梯航矣至其義例之
謹嚴辨訂之詳慎尤非率爾操觚者所能窺其萬一辱承長者誨
誘命莊爲序自顧譎陋安敢爲弁首之文謹就管蠡所及附識簡
末願以告世之讀此編者己酉孟冬上澣年家子塾屋路慎莊書
後

駢雅訓纂

參訂姓氏

固始祝蘅畦慶蕃

陽湖董方立基誠附方立蘅畦高弟輯釋誌一卷未竟而歿至今惜之

蕪湖潘芸閣錫恩

盤屋路小洲慎莊

常熟翁邃盒心存

仁和戴醇士熙

參按姓氏

吳縣夏方米文燾

長洲沈朗亭亮

無錫章芝楹簡

泰州陳研薌文田

馬雅 參井如丘

泰州田少泉寶臣

泰州夏退菴 荃

泰州許餘安善慶

泰州謝晉齋兆奎

成都馬紫波光霽

成都呂雪棠翼文對字

成都唐晚湘錫桐

駢雅訓纂目錄

卷一上

訓纂一

釋詁上

卷一下

訓纂二

釋詁下

卷二上

訓纂三

釋訓上

卷二下

訓纂四

駢雅 目錄

後知不足齋校刊

馬牙 目錄

釋訓下

卷三上

訓簣五

釋名稱

卷三中

訓簣六

釋宮

卷三下

訓簣七

釋服食

卷四上

訓簣八

釋器上

卷四下

訓簣九

釋器下

卷五上

訓簣十

釋天

卷五下

訓簣十一

釋地

卷六上

訓簣十二

耕雅 目錄

釋草

卷六下

訓纂十三

釋木

卷七上

訓纂十四

釋蟲魚

卷七中

訓纂十五

釋鳥

卷七下

訓纂十六

釋獸

辨雅

目錄

三

後知不足齋校刊

駢雅訓纂凡例

一以駢字分目仿爾雅廣雅之體為書古未有之自明豫章鬱儀氏此書始鬱儀撰述甚富與新都楊氏相埒其書目載信州鄭仲夔冷賞中

欽定四庫全書於經部收其二種周易象通載於存目其著目所載即此書也林初從四庫館稿本中錄出譌謬滋多繼得昭文張氏借月山房刊本校正數百字其陶陰互出烏焉溷淆之處尙未易悉數茲分注各條之下以備參按

一原書七卷分釋詁釋訓釋名稱釋宮釋服食釋器釋天釋地釋草釋木釋蟲魚釋鳥釋獸為十三目今加訓纂篇數不啻倍之茲分十三目為十三卷而分釋詁釋訓釋器為上下二卷共十六卷篇內仍標七卷原目以存其舊

一四庫書彙本卷首僅載陳文燭序一自序一卷末載朱統銀刻駢雅跋一張氏刊本則載豫章余長祚序一而無陳序其自序與後跋略同茲從朱氏彝尊經義考中錄有孫開序一又江西通志列朝詩集鬱儀小傳各一諸家評論及所撰書序並附焉而以

欽定四庫全書總目提要列之於首其徵引駢雅最多之吳任臣山海經廣注無關考證徐應秋談薈所引駢雅多涉訛舛茲約存數則餘不悉錄

一此書初未有注祝衡睦尚書前在詞館屬其門人董孝廉方立注有釋詁一卷未竣而歿林於壬午夏假得之因次第編輯彙凡三易至道光辛丑冬始獲成書名之曰訓纂仿子雲續蒼頡姚察注漢書例也惜董君不及見之矣

一古人注書有分句注有分段注有段後平格或低一格單行注有正文全錄後別列一格標題一二字雙行注此書初擬原文七卷列前訓纂十六卷列後既因每條平列空格太多改照高郵王氏廣雅疏證海昌陳氏格致鏡原二書之例於每卷每段正文下別低一格單行注每注仍空一格其標目則但於注旁加圈既醒糜目亦便瀏覽明王志堅表異錄即用此格近江西盧氏宜旬刊刻宋本十三經注疏悉依原刻字不輕改但於誤字旁加圈亦其例也

一古人注書多不載篇名卷數後人互相稗販意爲增減以致輾轉沿譌無從檢對茲編所引悉據原書不敢妄加一字斷可徵信後學不致貽悞方來

一引書應載篇名卷數尤必載明所引之書係據何本已佚之

帙錄自何書倘須檢對不難抽卷而得之蓋版本不同卽字句不無或異也茲將徵引書目備載卷首以便稽考

一引書條例略仿

國朝經籍纂詁及庚辰集注二書或詳或略參而用之如庚辰集引書皆載作者姓名此書旣首標書目則姓名可省庚辰集於諸大部書俱載篇名卷數至說部等書不載者多茲編意在徵信無論多寡悉爲標出以昭畫一經籍纂詁於羣籍本注皆不稱姓非本注則稱姓以別之此書於十三經注疏史漢等注皆仿其例惟高誘鮑彪國策注王逸洪興祖未子楚辭注以鬱儀類多兼採是以並列姓名又揚子法言當以李軌爲本注太公當以范望爲本注今所據乃宋司馬光集注本法言於李軌外尙有柳宗元宋咸吳祕等注標名五臣

太公於范望外尙有宋衷陸績及王涯宋維幹陳漸吳祕等注與四庫書著目所載編修勵守謙家藏本不同今惟據集注本於法言則先標李軌注其司馬光集注則仍標某曰光曰太公則概標司馬光集注而以范曰宋曰小宋曰及光謂云云分系以符其舊至我

朝考證諸家但引其一二條者仍標姓氏若卷內數見如邵氏爾雅正義戴氏方言疏證王氏廣雅疏證郝氏山海經箋疏之類祇標書名以省繁冗與陸德明經典釋文史記裴駙集解司馬貞索隱張守節正義並舉二字不稱姓名者一例一此書舊無音切今爲訓纂並爲補音考先儒音止譬况孫炎始爲反切許氏說文於某字下祇云从某某聲其云某某切者乃大徐據孫恂唐韻所加也茲於訓纂一書引用經籍凡

係古音仍載讀若讀如等訓餘則或稱反或稱切各照原書其音切俱無者以說文玉篇廣韻集韻等書足之闕者仍存以待補

一古音簡樸不似後人用翻切之便如後鄭之讀周禮高氏誘之注呂覽淮南郭氏璞之注方言曹氏憲之音博雅讀者每疑其有脫誤經後人解釋乃明今於原注一仍其舊間爲疏證一二亦取其易曉非注中加注也

一一字數音莫詳於陸氏經典釋文諸家音讀多藉此以傳故有音同而字異音異而字同者不嫌多載以存舊訓

一駢雅原文每雙字旁用單點訓纂引書上下加匡注出之字旁加雙圈其可爲上下節引證者用雙點以記之凡雙圈字祇於每書首見者用之如引兩書亦然餘不概加以便循覽

一駢雅原書分段有太長處茲爲訓纂不能不略爲節短然次序仍循其舊竝於原分段下加長一以識之

一凡徵引各書於每段內同一出典者下空一格祇用又字加匡如係分段同一出典者則書又同上加匡不同卷又不同篇者加篇名卷數

一徵引書目悉照四庫全書總目編次惟取駢雅採用及林所目見者錄之餘不概登其有所錄之書在四庫全書纂成後始出者悉照全書次序分時代編入仍載明所見何本及採自何書以備稽考

一徵引書目有採自叢書者悉於書目下登明以初見一條爲始後不具載

一鬱儀取用經史子集所收義訓各異如文選或引善注或引

五臣注與史記漢書楚辭舊注均有不同他皆類此茲惟據其所疏義訓釋之其未悉者存俟後補

一鬱儀取用諸書今皆略為疏出然各家所引書目稱名多有不同如一切經音義王氏廣雅疏證則稱眾經音義急就章漢志或稱急就篇或但稱急就倉頡篇孫氏岱南閣叢書作蒼王氏廣雅疏證引眾經音義俱作倉任氏小學鈞沈引倉頡亦同又若素問注前人皆以為王砵作今考砵作王冰艸木蟲魚疏前人皆以為陸璣撰今考當作陸機文選魏都舊皆稱劉淵林注今考當作張載若斯之類既難畫一亦不容輕改茲惟就各書所引錄之以存其舊至卷首徵引書目則就林所見之本著錄未見書名槩不濫登

一鬱儀博極羣書所據之本多今所未見詎容妄下雌黃惟所

引既多其中亦不無小有歧誤之處謹於卷首附加識語餘

竝分系於各條之下不敢如陳晦伯之正楊吹毛求疵肆意

彈射亦不敢如徐遵明之祖鄭以宗為策曲意彌縫

鬱儀所輯駢字已多檢有出處惟下二字訓義每多互異尙

未能悉探其原若漫為穿鑿之辭謬悠之說影響附會游談

無根乃有明之錮習也擬別列補遺一門隨時增入疑者闕

之匡繆正訛尙俟後之君子

一許涑長撰說文載其師賈景伯說稱賈侍中訓纂於河間相

國稱紀文達公儀徵相國於校勘記外均稱太傅亦仿其例

一引書凡明以前撰人皆直舉姓名國朝人著作則稱氏以

別之其助林校勘諸君生平皆有撰述亦加氏以歸一例不

稱字而稱名從同同也

一見書彙凡屢易在京在秦參校多人或稽核異同揆剔幽隱
或者訂疏漏增益舊聞皆仰須之助也謹書卷首以識不忘
將來續刊補遺當尙有饋我珠船者容續志之

讀駢雅識語

駢雅七卷四庫書目及經義考載之鬱儀自敘竝同江西通志
小傳則稱二卷提要又稱凡二十篇豈以七卷分上下卷析其
篇爲二十耶抑於十三目中別分上下子目爲二十耶若余長
祚序標目十二脫釋器一門自係張氏本漏刻已據原書篇目補入舊鈔
本釋鳥作釋禽亦屬傳鈔之誤不足據也

鬱儀所著之書據冷賞云共刊有十五種今所傳祇有駢雅易
象通邃古記水經注箋校正文心雕龍古文奇字輯解古今異
林元覽八種林架上所有又止駢雅水經注箋二種而已方氏
通雅祇論及古文奇字他未之及意豫章所刻之書方氏亦未
盡寓目惜其所撰小學書自古文奇字外如字原表微說文質
疑六書貫玉六書緒論六書本原七音通軌古音考楚辭古音

等書今皆未見無由取以為證爾

六書之學至本朝而推闡益精其端實開於有明升菴楊氏慎之論轉汪季立陳氏第之求古音鬱儀生升菴後與季立同時所撰之書皆與新都連江兩家之說相出入駢雅七卷蒼萃叢書左右采獲乃雙聲疊韻之會歸而假借轉注之條目也識者讀此書謂可冀爾雅續方言廣廣雅信然駢雅之得列於經部小學者以此而或但奉以為詞賦之資糧亦淺之乎測明父矣

小學有形有聲有義單文以形為主駢字以音為主而義貫貫之今之雙聲即古之所為轉注也鬱儀自敘所稱連二為一駢異而同此即古六書同音相代同義互訓之指轉注異字同義假借異義同字皆所以究形聲之變也讀駢雅者於切韻取雙

聲由雙聲通轉注博綜乎駢異而同之說深明乎連二為一之

原於六書形聲之變思過半矣張揖廣雅擇擇羣甄既標古訓

兼用古音此書亦踵其例如釋詁駢駢長也本訓長短之長入

陽而兼採鬱熙餽餽等字鬱熙方言郭注訓為壯大餽餽廣雅

釋詁疏證訓為消長之長入三十雖平仄互異而古音古義實

相通益陽與養同在第十部也此據段氏音均表高郵王氏分

說同鬱儀曾撰古音考楚辭古音其研究六書博通聲類於此可

見

鬱儀生於萬曆以前歿於天啟四年甲子距甲申二十一年凡

乙丑以後所出之書均未之見通雅其一也然其書實與朱氏

相表裏第方氏自為疏證本末燦然使人易曉駢雅無人為加

音釋故讀者望猶河漢以棘澁置之爾

方氏以通雅命名蓋取漢書敘傳爾雅故通古今之語其實釋
詁八卷內多釋重言譚語其他卷所舉亦皆駢語也凡例內謂
一字之詁別編字書則其書亦與駢雅等升菴古音駢字摻探
無多不過爲二書筆路之驅耳

通雅好持議論然未免有過於輕詆處駢雅第舉其義不標出
處又未免蹈明季著書匿端困人之習茲爲訓纂並爲補音乃
知鬱儀所采皆人人應讀之書初非若石室積卷茂由津逮向
之望洋興歎者可不必自崖而返矣

駢雅一書於各篇編次排比有倫與所作元覽同而分晰極細
釋詁中如廣大下又分大也及衰大光大高大等條高也下又
分高峻高遠高廣高靜高明高植等條盛多茂盛下又分盛也
盛滿盛長及爽爽軫軫盛也等條深廣下又分深平深遠深空

深微深極曲深繁深幽深及空寥深也等條予初疑其敘次冗
沓又與各家訓義多不相合久乃知其摻采放軼每出於耳目
所見之外所訓各別皆要確有所本未可輕議其非今僅就所
見者疏之餘竝闕以待補

駢雅一書好剽幽隱如藻井以爲刻扉提要非之然鬱儀淹貫
羣書實事求其所蒐輯必有據依斷非鄉壁虛造者比自序
稱所見異辭所傳寫異辭皆不刪廢要使郭公夏五之義存焉
爾是則選艱挹蹟以求遂其抱殘守闕之心乃其撰書本例鬱
儀固自言之矣

藻井異義見御覽一百八十八引風俗通刻扉
之說見演繁露卷十一二說竝與文選注異

提要於刻扉外又議其以都御史爲大司憲詹事爲端尹尙治
俗稱者馬端臨通考卷六十及卷五十三所載二名皆龍朔二
年改非俗稱也

又議其復引爾雅以為冗蕪此書本採駢字凡經史中重言諱語皆所必錄自釋詁至釋獸所收爾雅雙字甚夥不僅歲陽月名四邱四荒為此書所必載也

駢雅有可議者四事以方言廣雅一字一義者為駢語前無所

承一也此類甚多又以三字上下互易作駢語尤為不辭二也

如釋詁之瑯琊瑯琊皆衍三字為四字既仿爾雅廣雅立目分釋

又不立釋言一門致將爾雅廣雅釋言中雙字收入釋詁釋訓

釋器中其重言本隸釋訓茲又以釋訓之字分隸釋詁失其部

居披尋不易三也釋詁中蹇產兩見眾多重出竝無異義釋服

食中襍襍即縱襍禪衣即單衣不應先後錯見又卷一之舛辛

舛舛本取廣雅釋詁語而舛辛下間以禦委輪幽絃結方接舛

舛卷五之瑯瑯瑯瑯本取廣雅釋地語而瑯瑯下間以嬰垣瑯

瑯瑯黃方接瑯瑯其他各條排次亦有故為儻互處四也

爾雅釋言與廣雅同駢雅不立釋言一門自以篇中上下字多

以單文見義故付闕如第爾雅廣雅釋言中亦非盡一字一義

爾雅自殷齊以下凡六十一條皆二字連文與釋詁釋訓同若

斯諺離也駟遠傳也肅雍聲也庶幾尙也敖撫傲也遏遜逮也

臞疥瘠也禦圍禁也黼黻彰也愷悌發也髦士官也誣諉累也

坎律銓也皆可取作駢字內斯諺臞臞誣諉駢雅廣雅釋言自

央極以下凡一百二十六條皆與爾雅同若搯拊擣也死專箒

也山龍彰也龍光寵也眷集顧也瘠瘵瘁也勃快懟也樊裔邊

也還趙及也皆可取作駢字內搯拊死專眷集駢雅是釋言中

固有二字三字連文者矣上二字股齊以下皆是上三字涵駢

雅既已將釋言之文採入釋詁釋訓中而二篇內上二字四字

連文下一字單文爲訓者甚衆正與所採字義相同鄙意若歸
并爲一仍立釋言一門庶以復爾雅廣雅分目之舊且古人釋
言有以一字爲義者卽有以一句爲義者一字爲義論語其恕
乎是也一句爲義論語思無邪是也左氏定四年傳九言亦以
三字四字爲一言初不限以一字況爾雅廣雅釋言中又明載
雙字可證乎然則釋言一門固不可廢也姑識此以俟後之讀
中尉書者

駢雅訓纂識語

鬱儀博雅多聞於書無所不讀而採用羣籍別白真僞去取綦
嚴駢雅七卷凡所甄錄皆刺取周秦兩漢及六朝以上確有依
據之書間採唐宋以來諸大部類書諸家說部亦皆足資考證
方爲錄入一切猥褻僞撰之書無一孱入書目具在班班可考

也

方氏不雅猶引天祿閣外史其
視中尉書去取之間蓋不侔矣

鬱儀一齋書目僅見於提要所云考明陳第著書亦有一齋之
目然但名其所著之書非藏書目也鬱儀書目雖未得盡見第
就駢雅考之如十三經史記漢書後漢書文選太平御覽等書
所錄皆與宋元板合且自元以下各書板本尚不止一部十七
史則監板耳明刻叢書亦與今本無異蓋原書校刻本不精也
若杷本東廠本建甯坊刻本間亦有之視今之坊本直槐榆之

作詭集韻平聲二 嘿屎狡獪也嘿當作嚶方言十疏證 濂竦輕薄也竦當

作凍集韻上聲六 欵欵欺謾也欵當作敗戲當作戲聲二 耆輶強

勉也輶當作輶廣韻釋詁曹憲音 娃隨美好也隨當作媵方言一廣韻 譊

誕言不正也誕當作詵玉篇上舌部 賴覷闚瞰也賴當作覷覷俗字

當作覷說文解字第八段氏注 叮嚮恨也嚮當作愷集韻去聲八 佯及闕劣奕

弱也及當作反闕當作闕廣雅釋詁疏證 缺羸蹇也羸當作羸玉篇上立部

擡摠動也摠當作摠廣雅釋詁 迎迺走也迎當作迎玉篇上走部 愞愞狹

急也愞當作愞玉篇上心部 釋名稱歟鮑鼻息也鮑當作鮑玉篇上鼻部

釋宮徽行明修漢晉殿名也行當作音明修當作修明御覽一百七十五居處部

象章鼎效漢觀名也象當作豫效當作郊御覽一百七十九居處部引漢 金華晉閣名也華當作光御覽一百八十四居宮殿名

短柱也掇當作掇釋名釋宮室第十七 壁帶構也構當作構說文

繫傳十一 釋服食甲襜汗襦也襜當作襜方言四 扇扇面衣也扇扇

當作扇廣雅釋詁 繞衿幫也衿當作衿方言四疏證 氈氈也氈氈當

作氈廣雅釋詁 趙趙麥屑也趙當作趙廣雅釋詁 醴濛酒也醴當作醴

集韻平聲一 暫舊味醑也暫當作暫玉篇下西部聲六 釋器籥篁車箴

檣也箴當作箴廣雅釋詁 罍罍兔罍也罍當作罍廣雅釋詁 籥籥竹

網也籥當作籥集韻平聲二 箴籥籠也箴當作箴廣雅釋詁 籥籥專籥毒也

筮當作死字書無筮字方言五 簡籥籥也簡當作簡廣雅釋詁 籥籥竹

鈔鈔小鑿也鈔當作鈔集韻上聲六 掩囊飲馬囊也飲當作飲方言五

箠搶箠也搶當作搶御覽三百三十七兵部 靈姑鈺旗也鈺當

作鈺左傳昭公十年 釋天溟滓小雨也滓當作沐太平經卷一 釋地八

絃東南大窮眾安安當作女淮南子墜形訓 釋草莛萋瞿麥也萋當

作萎爾雅釋草釋文引廣雅 釋木枸椽香果也椽當作椽嶺表

錄異 卷中齊聊齊匿也聊當作噉匿當作廬西陽俎雜租稼樞高千

丈租當作祖神異經南荒經○太平釋蟲魚帖蜥蜴也蜥

當作揚字書無蜥字正字通瓦瓏海蛤也瓏當作壠嶺表錄下

江蟹也蛭當作蚌文選石野錯如錯野當作蚌御覽九百三十八

記士釋鳥鳩鵲雀也鳩鵲當作鳩鵲廣雅釋鳥于闐謂金翅鳥

為砧鱗鱗當作鱗通考三百三十釋獸毛淺者謂之魏猫猫

當作貓爾雅

駢雅訓纂所引各書有與鬱儀所用不符者有各書稱名互異

為駢雅所未載者篇中各加按語又有後人攷證指出錯誤而

駢雅尚沿舊本者此類甚多今撮錄於此如釋詁鬱熙長也據

方言十二熙當作配此尚沿舊僞仇不安也據方言九仇當作

抗此尚沿舊趨頰僂眇疾速也據廣雅釋詁頰當作頰眇當作

眇此尚沿舊本鈎董錮也據方言十二錮當作固此尚沿舊杼

庚解也據方言十二杼當作杼庚當作瘵此並沿舊本閻咎開

也據盧校方言本咎當作苦此尚沿舊榆檜微替也據方言十

二疏證榆當作榆檜當作檜此尚沿舊萃離時也據方

言十二疏證時當作待此尚沿舊齋殄合也據方言十二疏證

殄當作彌此尚沿舊擷挺竟也據方言十三疏證挺當

作挺此尚沿舊釋訓澗沐遑遽也據方言十疏證沐當作沈

戲欬悲憯也據廣雅釋詁疏證引說文戲竝作戲此尚沿舊

比喜也據廣雅釋詁疏證娛當為娛醋當為酣此尚沿舊娛棕醋

夙斫婚憊極也據廣雅釋詁疏證快當作夙夙當作夙斫婚當

作斫婚此尚沿舊釐悔貪婪也據方言十三悔當作悔此尚

沿舊本 駮到強勉也據廣雅釋詁到當作勁此尚沿舊 眷夷顧

也據廣雅釋言疏證其當作隻此尚从舊 媯姪怠慢也據方言

十二侵當作傷此尚沿舊 訛黷企望也據廣雅釋詁訛當作黷此尚沿舊

也據廣雅釋詁疏證覽當作賢此尚沿舊 據核柯椿擔也據廣

雅釋詁疏證核當作旅椿當作搯此尚沿舊 抔治恨不得也

據淮南子道應訓抔當作桮此尚沿舊 徐覃懷憂也據廣雅釋

訓覃當作憚此尚沿舊 頡訶逆也據呂氏春秋明理篇訶當作

醉此尚沿舊 釋宮易痢庵也據廣雅釋宮疏證當作易廁此

从舊本 穰落椽椀地籬也據廣雅釋宮疏證當作椽椀穰落椀

也籬字衍此尚从舊 釋服食糴盼幘也據廣雅釋器疏證盼

當作盼此尚沿舊 散孺前肩也據淮南子詮言訓莊氏按本散

當作殺經籍纂詁七虞下補遺引同此尚依舊 釋器酢鐺甌

也據方言五鐺當作甌此尚沿舊 典梁取魚者據廣雅釋器典

當作曲此尚沿舊 帆幘帳也據集韻平聲三引博雅帆當作帛

此尚沿舊 鞞鞞矢臧也據廣雅釋器當作鞞鞞此尚沿舊 袂

襜劔衣也據禮少儀當作夫襜鄭注同此尚原舊本 釋草射

干烏蓮也據廣雅釋草疏證蓮當作蕙此尚从舊 釋蟲魚馬

踐百足虻也據廣雅釋蟲疏證踐當作踐此尚从舊 蛤解汝穎

謂之蛤鵲據方言八注鵲當作鵲此尚沿舊 釋獸似牛而白

尾曰郵父據山海經北山經郵作那說文作那俗作郵

駢雅訓纂所引羣書悉照原本錄入而往往字書所載及唐宋

諸大部類書所引時出原書之外或係今本偶遺或係前人誤

引錄之以備考證如釋詁匾匾薄也正字通子集下亡部引方

言物之薄者曰匾今方言無此文釋訓痕瘵癢也集韻平聲三引

博雅痕瘵癢也今廣雅無此文釋宮屨屨門門也古樂苑三十琴曲

歌辭引百里奚炊屨屨事原注風俗通今風俗通無此文藻井刻扉也

御覽一百八十八居處部藻井引風俗通殿堂象東井形刻作

荷菱水物以厭火災解與薛綜注異今風俗通無此文念室動止稽留

獄也初學記政理部獄十一引博物志云夏曰念室殷曰動止

周曰稽留三代之異名也今博物志無此文因諸獄也公羊昭二十一

年傳注因諸者齊故刑人之地疏引舊說云卽博物志云周曰

固圉齊曰因諸是也今博物志無此文釋服食相服寶袂腰綵也丹

鉛總錄詩話類引崔豹古今注今古今注無此文宮脂鹿脂也御覽九

百二獸部引博物志今博物志無此文釋器鹵斫大鉏也廣韻五入

聲鑿字注方言云鹵東名曰鹵斫今方言無此文檇蒲戲具也御覽七

百五十四工藝部引博物志云老子作今博物志無此文釋天陽烏

大明日也初學記天部日第二引廣雅云一名大明一名陽烏

今廣雅無此文扶搖獨鹿旋風也御覽九天部引抱朴子今抱朴子無此文游

光火神也通雅二十一姓名類引風俗通以游光爲厲鬼名今風俗通無此文

彭侯木精也通雅二十一姓名類引白澤圖木精曰梓

侯原注卽異苑陸敬叔所言之彭侯今異苑十卷內無彭侯字劉敬叔亦不姓陸漸

耳食鬼之神也通雅二十一姓名類引張續宣室志裴漸隱伊

上李道士曰當今制鬼無如漸耳時朝士書聾於門今稗海所刊宣室志

十卷並補遺內並無此文張讀亦不名續釋地玫瑰異石也御覽八百九珍寶部

八引廣雅曰神靈滋液百寶用則玫瑰出今廣雅無此文釋草絺體

顛勒顛棘也經史證類大本本草草部上品天門冬陶隱居云

張華博物志天門冬逆勒有逆刺若葉滑者名絺休一名顛棘

金城人名為浣草此非門冬相似爾

今博物志無此文惟卷四載魏文帝所記諸物相似

亂者有敵休亂門冬

夏漢陽縣出毒菌號茹菌非茅蒐也每歲供進縣司常令人於

田野間候之苟有此菌即立表示人不敢從下風而過避其氣

也原注出北夢瑣言

今北夢瑣言二卷內無此文

由梧大竹也齊民要術十

竹南方草木狀曰由梧竹吏民家種之長三四丈圍一尺八九

寸作屋柱出交趾

今南方草木狀無此文

釋鳥嗶啁楚鳩佳也文選高

唐賦注引廣雅曰楚鳩一名嗶啁

今廣雅無此文

鸞斯反哺鳥也文選

補亡詩注引小爾雅純黑而反哺者烏也埤雅卷八釋鳥引作

廣雅

今廣雅無此文

釋獸兩頭謂之茶首御覽九百六獸部博物志

曰雲南郡出茶首茶首其音為蔡茂是兩頭鹿名也

今博物志無此文

一角而神謂之鮓鮓通雅四十六動物類獬豸一作獬廌廣雅

作角獬神羊也

今廣雅無此文

白澤角端能言獸也續通志一百八十

昆蟲草木略獸類白澤能言語出東望山有德明照幽遠則至

見山海經

今山海經無此文

磳磳獸身而羊首集韻入聲十引神異經

西方有獸長短如人羊頭猴尾名磳磳健行

今神異經無此文

果然愛

其類御覽九百十獸部山海經曰果然獸似獬廌以名自呼色

蒼黑羣行老者在前少者在後得果食輒與老者似有義焉交

趾諸山有之

今山海經無此文

駢雅訓纂所據之本自原刻外類多採及叢書考叢書肇自宋

左古鄧有明踵而增之然多鈔撮各大部類書未盡原本若說

鄒稗海古今說海古今逸史寶顏堂秘笈格致叢書沿訛踵謬

脫誤良多毛氏津逮祕書多收猥褻偽書亦為不檢近張氏學

津討原於毛氏之書去取頗有斟酌而按刻太覺粗疏與羅江

李氏所輯之函海等昭代叢書檀几叢書龍威秘書所收蕪雜
又其次也知不足齋叢書按勘尚為精審而書多不適於用今
取其有裨於訓纂者若盧氏雅雨堂叢書畢氏經訓堂叢書惠
氏貸園叢書盧氏抱經堂彙刻書孔氏微波榭遺書戴氏遺書
孫氏平津館叢書問經堂叢書岱南叢書日本國佚存叢書張
氏借月山房叢書今歸陳氏更名通志堂經解學海堂經解王
氏讀書雜誌凡有與駢雅訓纂互相發明者綜覈要義悉著於
編享帚自珍緘石知謬竊仿崇賢學士導涓撮壤之意云爾

駢雅訓纂識語補遺

駢雅訓纂既成後復詳加按勘其採剝之處尚多未憚特仿

國朝汪氏師韓文選理學權輿之例別立未詳一門於首以備

檢核如釋詁上卻將大也訓纂一儵恍疾速也十一之嶒屹幽邃

也十一之矯矐短促也十一之紛苾瀆灑激涌也十一之釋詁下

吸哦動盪也二之釋訓上憾倚怯劣也十三之瓊瑰奇異也三十之

釋訓下瘰癧瘡也四之釋名稱任賢古之聖童也五之釋宮

集賢西漢宮名也六之釋器下葵偷漢劔也九之釋天廉濺小

雨也十之覆隻大雨也十之天闕角也十一之北辰為天闕十三之

繞經驚恐黑彗也十五之釋地五壚五壑十一之五弘十一之塗黃美

玉也十一之琇瑩美石也十一之礙瞿青石也二十一之釋草絺

體顛棘也十四之男縷烏草也十七之釋木經孝名李也十三之

都諦之子若樗十三之釋蟲魚巨騎蟬也十四之宵蠟螢也十四之

檀末小蝶也十三之巨白蚯蚓也十四之蘇岸馬蛤也十四之

銅吮海魚也二十四之釋鳥鷄鵠角鴟也十五之釋獸州宿水牛也十六之

駢雅訓纂未詳外其徵引之書有與鬱儀所訓各殊者今刻其互異之處錄存備考如釋詁上聊浪之為廣大也一之

之為眾多也一之貌又參差不齊貌連狝之為委曲也一之宛轉貌

邈之為舒展也一之訓張也嶺嶺之為高峻也一之聲嶺嶺然

响之為聳峭也一之貌嶺嶺訓深無涯鮮扁之為連屬也一之訓陳列貌

翕習由衍之為舒緩也一之之狀由衍行貌官窳之為幽邃也一之

忤也一之詭曲之辭撇曳肩牽紛泊霍釋卉欵瀏葢之為紛沓也

居煩雜紛泊霍釋訓觀者並隄人物並雜肩牽訓併逢悟之為錯

雜也一之相逢而驚確扈蕪熒之為茂美也一之注未訓義櫛爽櫛參

子蛻之為竦特也一之木盛貌子蛻延首貌釋詁下獬豸之為邪平

也二之漸平貌漫滅之為動盪也二之參差相次峭藉之為緜深也二之

三訓鮮明貌穢灑之為細密也二之毛衣貌琴麗之為駢次也二之

又茂盛美貌不訓字義彌張之為張設也二之風吹幃帳鼓貌又開張也

綢綉之為繫著也二之繆訓猶纏綿也瞿瞿之為不審也二之

驚遽菌蠢之為結聚也二之訓芝貌岷沓之為屈折也二之羣飛也

錄之為彙括也二之自檢束也歷僻之為開斥也二之猶辟易也

之為微替也二之訓脫也淦躍之為竦發也二之注未訓義翬翬之為

微薄也二之訓小好貌駮駮之為魁偉也二之高大狀也神瞻之為詳

瞻也二之謂其言淡薄間關之為偪竅也二之言崎嶇展轉也

委鬱

裁吾甫竟

之為垂披也二之三十訓關干之為下垂也二之三十訓墜堞之為

塵翳也二之三十訓釋訓上擬恁之為慚悚也三之三訓讀為

恐獨之為窘蹙也三之十二訓以媻媻謂詭蓄縮之為怯劣也

規之為局趣也三之二十一訓明貌商字鬼瑣之為怪僻也三

也鬼狂險之行瑣姦細之行釋訓下欽秀之為企望也四之

四之五嘗稟稟之為持整也四之六訓慄者之為瘠也四之十

勿罔之為不審也四之三十六感概之為徇私恩也四之三十

義馮陵之為依據也四之三十九彈壓之為摧迫也四之三十

子為外孫五之三兩雅女子釋官石材石承之為礎礎也六之

柱下質也石承訓當柱下而已枋振之為屋嵒也六之八訓枋釋服食肆攤之

為幘巾也七之十三釋器上櫂疏之為杷杙也八之八字龍骨

之為汲具也八之九蟬匿之為雕車也八之十三輓轄之為柳

車也八之十五釋器下鞞之為刀鞞也九之八釋地燭

銀之為晶錄也十一之二十三釋草莨楚鈹弋之為葎草也

釋木枸榔之為緜木也十三之五訓樹也釋蟲魚飛廉委黍常

羊負盤伊戚之為鼈兒也十四之八飛蟪訓常羊伊戚訓委黍

蜚零之為木蜂也十四之十一蠅豹之為壁虎也十四之二十

也一名蠅蝗焦冥之為蠖也十四之二十烏蠟之為橘蠶也四

蟲如指似蠶仲明之為鱧也十四之二十蘆鱗之為巨鱉也

十八訓魚釋獸開明之為九尾也十六之四郭椒丁櫟之為馱

併惟

識語補遺

三

牛也十六之五字作郭活褥地如鼠十六之三十一庶物異名

地通典作

駢雅訓纂考異外間引各書舊注云未詳者凡十八事今尙未

能盡疏所出若畢氏沅之拔正呂覽莊氏遠吉之拔訂淮南梁

氏章鉅之文選旁證雖極意蒐羅竊恐多所傳會未敢悉從如

舒解為男色之類茲特別登一目以俟考補如釋詁下艾厯未詳四之

六爾雅郭揚未詳四之二十七爾釋名稱之交未詳五之十四

畢氏沅徵舒段干傅予皆未詳五之十六文釋器上龍茲未詳

八之二十荀釋天握予持勝履予皆未詳十之八廣雅疏證釋

子楊倛原注地肥土成土注未聞十一之一淮楊紆在所未聞十一之二周

徒駭義所未聞十一之一爾太史今所在未詳十一之三爾嬰

垣未可得詳十一之一十九山璿琇所未詳也十一之十九山釋

草安胡未詳十二之二文藹苻止未詳十二之二十一釋蟲魚

至掌未詳十四之二十二釋鳥螭龍德牧並鳥形未詳十五之

李善釋獸走狐野麋腹丹皆未詳所出十六之十六廣雅疏狻

名國未詳十六之二十七山海經

駢雅七卷向無音切林輯訓纂補音極意蒐討尙有未詳者錄

存備按如釋詁上琇音未詳六釋天釁音未詳十四冥音

未詳十四之三釋地徽音未詳十一之瑗音未詳十一之釋蟲魚

鮀音未詳十四之釋鳥鷓音未詳十五之姪音未詳十五之砥

音未詳十五之琇一作瑛瑛一作瑛徽一作徽音皆無考

駢雅訓纂

徵引書目

經部

周易正義十卷

江西盧氏十三經注疏本附校勘記。共十三經注疏三百二十三卷。國朝盧氏宣旬又選樓本重刊校勘記二百四十五卷。儀徵相國阮氏元撰。

注唐孔穎達等正義

周易集解十七卷

津逮秘書本。按津逮秘書十五集一百四十六種七百三十九卷。汲古閣刊本。明毛晉編。

唐李鼎祚撰。右易類

尚書正義二十卷

江西盧氏刊本附校勘記。漢孔安國傳唐孔穎達等正義。

尚書大傳四卷補遺一卷

雅雨堂盧氏刊本。抱經堂盧氏按本。按雅雨堂叢書十四種一百四十九卷。國朝盧氏見會輯。抱經堂彙刻書十八種二百六十二卷。國朝盧氏文昭校梓。

元注。右書類

井准

徵引書目經部

一

後知不足齋校刊

毛詩正義四十卷 江西盧氏刊本附校勘記 漢毛公傳鄭元箋唐孔穎達等

正義

詩集傳八卷 通行本 宋朱子撰

毛詩草木蟲魚疏二卷 鹽邑志林本按鹽邑志林四十種附一種六十八卷明樊維城編此其第三種也

吳陸璣撰 璣據校勘記當作機

毛詩陸疏廣要二卷 津逮秘書本按毛氏此書總目題陸氏草要中縫題毛詩陸疏廣要與四庫全書總目引合今從之或作四卷蓋陸疏本分上下二卷此又分上下兩子目也

明毛晉撰

韓詩外傳十卷 津逮秘書本廣漢魏叢書本按漢魏叢書有七十六種四百三十九卷明括蒼何鏜輯廣漢魏叢書八十種四百五十一卷武林何允中彙刊乃近日通行本也

漢韓嬰撰○右詩類

周禮注疏四十二卷 內冬官闕補考工記四卷江西盧氏刊本附校勘記 漢鄭元注唐賈公彥疏

公彥疏

儀禮注疏十七卷 江西盧氏刊本附校勘記 漢鄭元注唐賈公彥疏

禮記正義六十三卷 江西盧氏刊本附校勘記 漢鄭元注唐孔穎達等正義

大戴禮記十三卷 武英殿聚珍版本按武英殿聚珍版書皆採自永樂大典據書目凡一百三十有八種為卷一千八百有八乾隆三十八年奉 敕編集頒行 漢戴

德撰周盧辯注

大戴禮記補注十三卷 學海堂經解本皇清經解書凡一百八十餘種一千四百卷儀徵相國阮氏元刊 國朝孔氏廣森撰

夏小正解四卷 通志堂經解本按通志堂經解共一百三十八種一千八百一十卷 國朝納蘭成德校刊

宋傅崧卿撰

夏小正注四卷 任氏心齋十種本按心齋十種凡二十卷此其第一種也 國朝任氏兆

麟撰

夏小正疏義四卷

學海堂經解本

國朝洪氏震煊撰○右禮類

春秋左傳正義六十卷

江西盧氏刊本附校勘記

晉杜預注唐孔穎達等正義

春秋公羊傳注疏二十八卷

江西盧氏刊本附校勘記

漢何休注唐徐彥疏

春秋穀梁傳注疏二十卷

江西盧氏刊本附校勘記

晉范甯注唐楊士勛疏

○右春秋類

論語注疏二十卷

江西盧氏刊本附校勘記

魏何晏等注宋邢昺疏

論語義疏十卷

知不足齋叢書本三十集二百二種

按知不足齋叢書

魏何晏

等注梁皇侃疏○右論語類

孟子注疏十四卷

江西盧氏刊本附校勘記

漢趙岐注宋孫奭疏○右孟子類

爾雅注疏十卷

江西盧氏刊本附校勘記

晉郭璞注宋邢昺疏

爾雅鄭注三卷

津逮秘書本

宋鄭樵撰

爾雅正義二十卷

餘姚邵氏家塾刊本

國朝邵氏晉涵撰

爾雅義疏二十卷

學海堂經解本

國朝郝氏懿行撰○右爾雅類

經典釋文三十卷

通志堂經解本抱經堂盧氏校本

唐陸德明撰

古經解鈎沈三十卷

京江魯氏重刊本

國朝余氏蕭客撰

經籍纂詁一百十六卷附補遺

瑯嬛僊館刊本

國朝阮氏元撰○右經總

說文解字三十卷

汲古閣本

漢許慎撰宋徐鉉等補注

說文繫傳四十卷

龍威秘書本十集八十冊每集八冊

按龍威秘書共國朝馬氏俊良輯影

宋本道光十九年朝邢氏雋藻校勘重雕

南唐徐鍇撰朱翱音

說文解字注三十卷

金壇段氏刊本

國朝段氏玉裁撰

說文解字斟詮十四卷

嘉定錢氏吉金樂石齋刊本

國朝錢氏坫撰

惠氏讀說文記十五卷

借月山房叢書本 按借月山房叢書十集一百十種二百三十一卷昭文張氏海鵬集刊今歸上海陳氏更名澤古齋重鈔

國朝惠氏棟撰

大廣益會玉篇三十卷

明內府原刊本 按此書凡三本一為張寅所刊與張本一字無異稱重修本一為此本每部之中次序與注文均有不同亦稱大中祥符重修本林初得曹本苦其訛脫繼得張本其誤亦然最後方得此本雖其中亦不免小有舛午然以較鬱儀之書若合符節故以此本列之於首而張氏曹氏二本附

梁顧野王撰宋陳彭年等奉敕重修

重刊玉篇上中下三十卷

張氏澤存堂叢刻本 按澤存堂叢刻凡五種五十卷玉篇分上中下三篇每篇十卷彙刊書 國朝張氏士俊輯 目作三卷誤也

重修玉篇三十卷

曹氏棟亭五種本 按棟亭五種六十五卷尚有揚州詩局十二種別行 國朝曹氏寅輯

類篇四十五卷

曹氏棟亭五種本 張氏澤存堂五種無此書 宋司馬光撰

六書故三十三卷

永嘉戴氏家塾刊本 宋戴侗撰

正字通十二卷

原刊本 明張自烈撰

欽定康熙字典四十二卷

武英殿頒行本 謹按字典一書謀璋未之見然於駢雅訓義書內多所發明林為訓籒亦皆本之以考原書蓋自唐宋字書以來未有精且博於斯者信六書之淵海七音之準繩可奉為典常而不易者也謹登書目以志嚮往 康熙四十九年奉

敕撰道光七年奉

旨重刊

重修廣韻五卷

明內府刊本 曹氏棟亭五種本 按廣韻凡三本一為明內府刊本比重修本頗簡一為棟亭曹氏刊本字多訛舛一為張氏刊本文較多于內府本刻手按手亦較曹本為優然亦有錯誤處須合三本 宋陳彭年等奉敕撰

集韻十卷

曹氏棟亭五種本 宋丁度等撰

五音集韻十五卷

明刊本 金韓道昭撰

古今韻會舉要三十卷

明嘉靖戊戌西京劉氏補刊本 元黃公紹編輯熊忠舉

并准

數引書目經部

四

要

古音駢字一卷 函海本 按函海一百五十六 明楊慎撰

方言十三卷 廣漢魏叢書本 抱經堂盧氏校本 漢揚雄撰 晉郭璞注

方言疏證十三卷 武英殿聚珍版本 遺書十五種九十二卷 此其第十二種也 按戴氏

國朝戴氏震撰

釋名四卷 廣漢魏叢書本 漢劉熙撰

釋名疏證八卷補遺一卷 經訓堂叢書本 三種一百六十七卷 靈巖山館刊本 此

其第二種也 國朝畢氏沅校正

廣雅十卷 廣漢魏叢書本 武林郎氏五雅本 按郎氏五 魏

張揖撰

博雅音十卷 高郵王氏刊本 隋曹憲音釋

廣雅疏證十卷 高郵王氏刊本 國朝王氏念孫撰

小爾雅一卷 武林郎氏五雅本 廣漢魏叢書本 漢孔鮒著 欽定四庫全

人名氏謂小爾雅一篇雖見漢書藝文志其書久佚今所傳本乃孔叢子第十一篇鈔出別行者也 晁公武郡齋讀書志

小爾雅八卷 新鑿山莊 武林郎氏五雅本 晉李軌略解 國朝王氏煦疏

輿雅二十卷 顧氏校本 宋陸佃撰

爾雅翼三十二卷 新安羅氏家塾刊本 學津討原本 按學津

文張氏刊本 朝張氏海鵬輯 國 宋羅願撰 元洪焱祖音釋

急就章四卷 目詳下章 一作篇一無篇字 章字 漢史游撰 唐顏

師古注 宋王應麟補注

匡謬正俗八卷 雅雨堂盧氏刊本 藝海珠塵本 按藝海珠塵

氏原刊本 朝吳氏省蘭輯 國 唐顏師古撰

小學鈞沈十九卷 山陽汪氏刊本 國朝任氏大椿撰

字林考逸八卷興化任氏刊本 國朝任氏大椿撰○右小學類

古微書三十六卷對山問月樓刊本 明孫穀撰

七緯二十八卷侯官小積石山房刊本 國朝趙氏在翰撰○右志緯類

史部

史記一百三十卷武英殿本 明南監本 漢司馬遷撰褚少孫補十篇裴駮集解司馬貞索隱張守節正義

史記集解一百三十卷汲古閣單行本 宋裴駮撰

史記索隱三十卷汲古閣單行本 唐司馬貞撰

漢書一百二十卷殿本 宋祁重校景祐二年余靖所上刊誤本 汲古閣本 漢班固撰顏師古注

後漢書一百二十卷殿本 汲古閣本 宋范蔚宗撰唐章懷太子賢注

志三十卷則晉司馬彪續漢書之文劉昭注補

後漢書補注二十四卷寶山李氏刊本 國朝惠氏棟撰

三國志六十五卷殿本 晉陳壽撰宋裴松之注

三國志補注六卷四庫館傳鈔本 國朝杭世駿撰

晉書一百三十卷附何超音義三卷殿本 明南監本 唐房喬等撰

宋書一百卷殿本 梁沈約撰

南齊書五十九卷殿本 梁蕭子顯撰

陳書三十六卷殿本 唐姚思廉撰

魏書一百十四卷殿本 北齊魏收撰

北齊書五十卷殿本 唐李百藥撰

周書五十卷殿本 唐令狐德棻等撰

隋書八十五卷殿本 唐魏徵等撰

南史八十卷本殿 唐李延壽撰

北史一百卷本殿 唐李延壽撰

舊唐書二百卷本殿 晉劉昫等撰

新唐書二百二十五卷本殿 宋歐陽修宋祁同撰

新五代史記七十五卷本殿 宋歐陽修撰

金史一百三十五卷本殿 元托克托等撰。右正史類並鬱儀

採用之書餘不悉載

竹書紀年二卷天津館叢書本 按天津館叢書以自甲至癸為序庚辛以下未刊計書三十八種二百四卷國朝孫氏星衍輯 國朝洪氏頤煊技

正 國朝徐氏文靖撰。右編年類

竹書統箋十二卷當塗徐氏原刊本 國朝馬氏驥撰。右紀事本末類

釋史一百六十卷本殿

逸周書十卷廣漢魏叢書本 抱經堂盧氏校本 舊題汲冢國書據郭璞爾雅注

李善文選注所引皆稱逸周書今從之

路史四十七卷通行本 宋羅泌撰子萃注

通志二百卷武英殿本 宋鄭樵撰

續通志五百二十七卷本殿 乾隆三十二年奉

敕撰。右別史類

國語二十一卷巴郡張氏刊本 吳韋昭注宋庠補

國語二十一卷吳郡黃氏仿宋刊本 吳韋昭注

戰國策高注三十三卷雅雨堂叢書本 吳郡黃氏仿宋刊本 漢高誘注

戰國策鮑注十卷通行本 宋鮑彪注。右雜史類

晏子春秋七卷音義二卷經訓堂叢書本 舊題齊晏嬰撰歸墨家今從

四部書目改入史部傳記類 國朝畢氏沅校正。右傳

辨雅

數引書目史部

七

記類

吳越春秋十卷秘書廿一種本 廣漢魏叢書本 按秘 漢趙煜撰

越絕書十五卷廣漢魏叢書本 漢袁康撰。右載記類

三輔黃圖六卷補遺一卷經訓堂叢書本 國朝畢氏沅校補

三輔黃圖一卷平津館叢書本 國朝孫氏星衍校正據宋刻與通行

本不同今仍從畢本參考孫本以備訂正。右地理類宮殿簿之屬

太平寰宇記一百九十三卷南昌萬氏重刊本 宋樂史撰本二百卷缺

七卷桂林陳氏校補

方輿勝覽七十卷元麻沙本 宋祝穆撰

明一統志九十卷天順五年刊本 明大學士李賢等撰。右地理類總

志之屬

水經注四十卷武英殿聚珍版本 天都黃氏刊本 戴氏遺書本 漢桑欽撰後魏酈

道元注。右地理類河渠之屬

南方草木狀三卷廣漢魏叢書本 晉嵇含撰

荆楚歲時記一卷廣漢魏叢書本 梁宗懷撰

北戶錄一卷續百川學海本 按續百川學海分十集一百四種明昌江吳氏永輯 唐段公路撰

參軍龜圖注

嶺表錄異三卷武英殿聚珍版本 唐劉恂撰

桂海虞衡志一卷唐宋叢書本 秘書廿一種本 按唐宋叢書分經翼別史子餘載籍為四門四十九種無卷

宋范成大撰。右地理類雜記之屬

翰苑羣書十二卷知不足齋叢書本 宋洪遵編

欽定歷代職官表六十三卷武英殿本 乾隆四十五年奉

敕撰○右職官類官制之屬

通典二百卷

武英殿本

唐杜佑撰

文獻通考三百四十八卷

武英殿本

元馬端臨撰○右政書類通

制之屬

欽定四庫全書總目提要二百卷

武英殿本

乾隆三十九年奉

敕編

欽定四庫全書考證一百卷

武英殿聚珍版本

乾隆四十一年奉

敕編

讀書敏求記四卷

橋李沈氏重刊本

國朝錢氏曾撰

經義考三百卷

兩淮鹽運使盧見曾奏進本

國朝朱氏彝尊撰○右目錄

類經籍之屬

隸釋二十七卷

樓松書屋汪氏校本

宋洪适撰

隸續二十一卷

樓松書屋汪氏校本

宋洪适撰○右目錄類金石之屬

子部

孔子家語十卷

通行本

魏王肅注

荀子三十卷

明鍾人傑刊本全書一百十五卷

十子全書本·按十子國朝金閻王氏彙刊

周荀况

撰唐楊倞注

孔叢子三卷

廣漢魏叢書本

漢孔鮒撰

鹽鐵論十卷

廣漢魏叢書本

漢桓寬撰

新序十卷

廣漢魏叢書本

漢劉向撰

說苑二十卷

廣漢魏叢書本

漢劉向撰

法言十卷

廣漢魏叢書本

漢揚雄撰晉李軌注宋司馬光集注

○右儒家類

研雅

徵引書目子部

九

六韜六卷

平津館叢書本

舊題呂望撰

司馬法一卷

平津館叢書本

齊司馬穰苴撰○右兵家類

管子二十四卷

十子全書本

唐房元齡注劉績補

商子五卷

二十子全書本

按二十子全書一百子佚明新安吳勉學刊

舊題秦商鞅撰

韓非子二十卷

十子全書本

周韓非撰○右法家類

齊民要術十卷

津逮祕書本

後漢賈思勰撰○右農家類

黃帝內經素問二十四卷

宋林億等按刊本

唐王冰注

按冰此宋志作冰此外晁公武

讀書志及杜甫集經籍纂詁引亦作砒

政和經史證類本草三十卷

明刊本

宋唐慎微撰

神農本草經三卷

問經堂叢書本

按問經堂叢書十八種二十八卷

國朝

孫氏同輯

按神農本草經今不存此從唐本馮翼按刊

○右醫家

類

太子經十卷

通行本

漢揚雄撰晉范望注宋司馬光集注元攤以

下許翰注

元包五卷

宋紹興南陽張氏刊本

後周衛元嵩撰唐蘇源明傳李江注宋

韋漢卿釋音附元包數總義二卷張行成補○右術數類數

學之屬

星經二卷

廣漢魏叢書本

舊題漢甘公石申撰○右天文算法類推步

之屬

五行大義五卷

佚存叢書本

知不足齋叢書本○按佚存叢書共五帙十五種七十七卷日本國編刻

吉撰

唐開元占經一百二十卷

四庫館傳鈔本

唐瞿曇悉達撰○右術數

類占候之屬

耕雅

徵引書目子部

十

易林十六卷

廣漢魏叢書本 吳郡黃氏仿宋刊本

漢焦延壽撰○右術數類古

卜之屬

禽經一卷

百川學海本 格致叢書本。按百川學海一百六十一卷宋左圭輯格致叢書無卷數凡三百四十六種明

胡文煥編

舊題師曠撰晉張華注

竹譜一卷

百川學海本 廣漢魏叢書本

晉戴凱之撰

古今刀劍錄一卷

廣漢魏叢書本

舊題梁陶宏景撰

五木經一卷

夷門廣牘本 津逮祕書本。按夷門廣牘一百四十六卷明周履靖編

唐李翱

撰○右譜錄類

墨子十五卷

經訓堂叢書本

周墨翟撰

國朝畢氏沅校注

鷓冠子三卷

十子全書本

舊題楚隱士撰宋陸佃解

公孫龍子三卷

明武林梁燕訂本

周公孫龍撰宋謝希深注

呂氏春秋二十六卷

經訓堂叢書本

秦呂不韋撰高誘注

淮南子二十一卷

武進莊氏校刊本

漢淮南王安撰高誘注

金樓子六卷

知不足齋叢書本

梁元帝撰

顏氏家訓二卷

廣漢魏叢書本 知不足齋叢書本

隋顏之推撰○右雜家類雜

學之屬

白虎通義四卷

廣漢魏叢書本 一作白虎通義

漢班固撰

獨斷二卷

廣漢魏叢書本

漢蔡邕撰

古今注三卷

廣漢魏叢書本

晉崔豹撰

中華古今注三卷

祕書本

五代馬編撰

兼明書五卷

寶顏堂祕笈本。按寶顏堂祕笈分正續廣普彙五集附以循公雜著共二百二十一種四百五十卷明

陳繼儒編

五代邱光庭撰

容齋隨筆十六卷續筆三筆四筆各十六卷五筆十卷

明馬元調刊本

宋洪邁撰

辨雅

徵引書目子部

七

野客叢書三十卷稗海本○按稗海七十一種四百五十四卷振鷺堂重編本明商維濟刊 宋王楙撰

撰

困學紀聞二十卷閻校本 何按本 七箋本○按閻謂潛邱閻氏若璩何謂義門何氏焯七箋謂閻何二家外

增入全氏謝山方氏樸山程氏易疇錢氏錢江萬氏蔚亭五家而四明屠氏繼序又與黃岡黃氏廣援經傳共相抄補著明各條之下名曰 宋王應麟撰

丹鉛總錄二十七卷 明楊慎撰

通雅五十二卷浮山此藏 軒刊本 明方以智撰

藝林彙考二十四卷原刊本 國朝沈自南撰

管城碩記三十卷當塗徐氏 原刊本 國朝徐氏文靖撰

讀書雜誌八十卷高郵王 氏刊本 國朝王氏念孫撰

通俗編二十五卷又重刊本三十八卷函海本 無 不宜齋雕本 國朝翟

氏灝撰○右雜家類雜考之屬

論衡三十卷廣漢魏 叢書本 漢王充撰

風俗通義十卷廣漢魏叢書本 一作風俗通外省 漢應劭撰

文昌雜錄六卷淡生堂餘苑本 苑分經之餘史之餘于之餘集之餘一百八十六種七百一十六卷

宋龐元英撰

夢溪筆談二十六卷補二卷續一卷津逮祕 書本 宋沈适撰

避暑錄話二卷津逮祕 書本 宋葉夢得撰

老學庵筆記十卷續筆記二卷津逮祕 書本 宋陸游撰

齊東野語二十卷稗海本 津逮祕書本 宋周密撰

湧幢小品三十二卷湖上朱氏 原刊本 明朱國禎撰

藝林伐山二十卷函海 本 明楊慎撰

七修類稿五十一卷續七卷錢塘周氏耕 煙草堂刊本 明郎瑛撰

冷賞八卷硯雲甲乙編八種三十四卷 按硯雲甲編八種十六卷 明鄭

辨雅 徵引書目子部

仲夔撰

耳新八卷

硯雲甲乙編刊本

明鄭仲夔撰

春明夢餘錄七十卷

齋袖珍書三百五十卷

古香齋袖珍本。謹按內府刊本板交

武英殿印行此其第九種也

國朝孫氏承澤撰

因樹屋書影十卷

金陵食舊菴重刊本

國朝周氏亮工撰。右雜家類

雜說之屬

玉芝堂談薈三十六卷

通行本

明徐應秋撰

說郭一百二十卷

通行本

元陶宗儀撰

續說郭四十六卷

通行本

明陶珽撰

意林五卷

武英殿聚珍版本

唐馬總撰。右雜家類雜纂之屬

藝文類聚一百卷

明刊本

唐歐陽詢等奉敕撰

北堂書鈔一百六十卷

海虞陳氏續補本

唐虞世南撰

初學記三十卷

齋袖珍本古香

唐徐堅等奉敕撰

太平御覽一千卷

欽鮑氏刊本

宋李昉等奉敕撰

海錄碎事二十二卷

明刊本

宋葉廷珪撰

事文類聚二百三十六卷

明刊本

前後續別集宋祝穆撰新外集

元富大用撰遺集祝淵撰

玉海二百卷

修補明刊本

宋王應麟撰

小學紺珠十卷

修補明刊本

宋王應麟撰附玉海行

聖賢羣輔錄二卷

格致叢書本廣漢魏叢書本

按此書一名四八目舊附載

陶潛集中蓋偽托也

四庫全書列於類書存目辨其決非

潛作第唐宋以來相沿引用已成故實姑置之於唐宋類書

之末使與王氏伯厚之小學紺珠相次焉

天中記六十卷

明陳耀文撰原刊本

明陳耀文撰

併佳

數目書目子部

十三

山堂肆考二百二十八卷補遺十二卷 明彭大翼撰

庶物異名疏三十卷 樞李陳氏原刊本 明陳懋仁撰。右類書類

西京雜記六卷 碑海本 漢魏叢書本 廣 舊題晉葛洪實梁吳均偽托

世說新語三卷 吳郡袁氏仿宋刊本 宋臨川王劉義慶撰梁劉孝標注

朝野僉載六卷 寶顏堂叢書本 舊本題唐張鷟撰

北夢瑣言二十卷 雅雨堂叢書本 五代孫光憲撰。右小說家類雜事之屬

山海經十八卷 天都黃氏刊本 晉郭璞注

山海經廣注十八卷 仁和吳氏刊本 國朝吳氏任臣注

山海經菱疏十八卷圖讚一卷 鄉嬛仙館刊本 國朝郝氏懿行撰

穆天子傳六卷 平津館叢書本 晉郭璞注

神異經一卷 廣漢魏叢書本 舊題漢東方朔撰晉張華注

十洲記一卷 寶顏堂叢書本 祕笈本 一名海內十洲記 廣漢魏 舊題漢東方朔撰

漢武洞冥記四卷 廣漢魏叢書本 舊題漢郭憲撰

拾遺記十卷 廣漢魏叢書本 秦王嘉撰

搜神記二十卷 津逮祕書本 晉于寶撰

異苑十卷 津逮祕書本 宋劉敬叔撰

宣室志十卷補遺一卷 碑海本 唐張讀撰

太平廣記五百卷 天都黃氏刊本 宋李昉等奉敕撰。右小說家類異聞之屬

博物志十卷 碑海本 廣漢魏叢書 吳郡黃氏仿宋本 舊題晉張華撰

述異記二卷 碑海本 梁任昉撰

酉陽雜俎二十卷續十卷 津逮祕書本 通行本 唐段成式撰

續博物志十卷 祕書甘一種本 宋李石撰。右小說家類瑣記之屬

馬牙
列子八卷 六子全書本 十子全書本 二十子全書本 按六子全書六十卷 萬曆癸未金陵胡氏書坊校刻本 明顧

輯春 周列禦寇撰晉張湛注唐殷敬順釋文

莊子十卷 中都四子本 十子本 二十子本 按中都四子六十二卷 明朱東光輯 周莊周撰晉

郭象注

道德指歸論六卷 津逮祕書本 舊題漢嚴遵撰

抱朴子內篇四卷外篇四卷 廣漢魏叢書本 晉葛洪撰

抱朴子內篇二十卷外篇五十卷 孫氏平津館校刊本 晉葛洪撰

雲笈七籤一百二十卷 明張氏萱刊本 宋張君房撰。右道家類

法苑珠林一百二十卷 釋藏本 吳中燕園蔣氏新刊本 唐釋道世撰

一切經音義二十五卷 釋藏本 武進莊氏刊本 唐釋元應撰藝文志改名

眾經音義

翻譯名義十四卷 雲棲寺刊本 宋釋法雲撰。右釋家類

集部

楚辭章句十七卷 大小雅堂刊本 漢王逸撰

楚辭補註十七卷 汲古閣本 宋洪興祖撰

楚辭集註八卷辯證二卷後語六卷 明成化吳原明重刊本 宋朱子撰

離騷草木疏四卷 知不足齋叢書本 宋吳仁傑撰。右楚辭類

庾子山集十六卷 錢塘倪氏原刊本 國朝倪氏璠注

徐孝穆集六卷 淮南阮氏困學書屋重刊本 陳徐陵撰 國朝吳氏兆宜

箋注

集千家注杜工部詩集二十卷文集二卷 長洲許氏原刊本 唐杜甫撰

明許自昌校

集千家注杜詩二十卷 元麻沙本 唐杜甫撰宋呂居仁編次臨川黃

辨雅 徵引書目集部

鶴補注

韓昌黎詩集註十一卷

秀野草堂刊本

唐韓愈撰

國朝顧氏嗣立

刪補

玉谿生詩三卷

桐鄉馮氏德聚堂重校本

唐李商隱撰

國朝馮氏浩箋

注

東坡全集一百十五卷

國朝蔡氏士英刊本

宋蘇軾撰

東坡詩集註三十二卷

明梁竊王氏校刊本

宋王十朋撰

施注蘇詩四十二卷年譜王注正譌蘇詩續補遺各一卷

商邱宋氏刊本

宋施元之撰

國朝邵氏長蘅李氏必恆補馮氏景續

注

補注東坡編年詩五十卷

初白菴刊本

國朝查氏慎行撰

升菴全集八十一卷

萬曆辛丑刊本

明楊慎撰○右別集類

文選注六十卷

汲古閣本氏海錄軒重刊本

梁昭明太子蕭統撰唐李

善注

文選注六十卷附考異十卷

鄱陽胡氏仿宋清熙本

唐李善注

國朝

胡氏克家校刊

文選六臣注六十卷

明板大字本

唐呂延濟劉良張銑呂向李周翰

五臣注合李善為六

文選音義八卷

吳郡靜勝堂刊本

國朝余氏蕭客撰

選學膠言二十卷

三影閣刊本

國朝張氏雲璈撰

文選旁證四十六卷

三山梁氏榕風樓刊本

國朝梁氏章鉅撰

玉臺新詠十卷

小字原刊本

陳徐陵編

古文苑九卷

無注仿宋清熙本

不著編輯者名氏本一卷南宋韓元吉

次為九卷

併准

徵引書目集部

七

古文苑二十一卷 明成化壬寅刊本 宋章樵注

古詩紀一百五十六卷 原刊本 明馮惟訥編

古樂苑五十二卷 原刊本 明梅鼎祚撰

漢魏六朝一百三家集一百十八卷 原刊本 明張溥輯

全唐詩九百卷 武英殿本 康熙四十二年

續古文苑二十卷 平津館叢書本 國朝孫氏星衍撰。右總集類

駢雅訓纂補遺

徵引書目

春秋繁露十七卷 抱經堂彙刻本 漢董仲舒撰 國朝盧文

昭校正 江都凌曙增注

演繁露十六卷續繁露六卷 兩淮馬裕家藏本 宋程大昌撰

三禮圖集注二十卷 內府藏本 宋聶崇義撰

龍龕手鑑四卷 浙江吳玉搢家藏本 遼僧行均撰

庶齋老學叢談三卷 知不足齋刊本 元盛如梓撰

紫桃軒雜綴三卷又綴三卷 禮部尚書曹秀先家藏本 明李日華撰

日知錄三十二卷 經義齋刊本 國朝顧炎武撰

潛邱劄記六卷 眷西堂刊本 國朝閻若璩撰 學海堂經解刪存

二卷

尙書後案三十卷 學海堂刊本 國朝王鳴盛撰

道古堂文集四十六卷 許慶宗覆審本 國朝抗世駿撰

鮎埼亭集三十八卷附經史問答十卷 學海堂刊本 國朝全祖望撰

撰

潛研堂文集八卷 學海堂刊本 國朝錢大昕撰

十駕齋養新錄又餘錄共四卷 學海堂刊本 國朝錢大昕撰

通藝錄三十卷 學海堂刊本 國朝程瑤田撰

文選理學權輿八卷 讀畫齋叢書本 分甲集至辛集四十六種此其第一種也 國朝汪師韓撰補一卷孫志祖撰

文選考異四卷 讀畫齋叢書本 國朝孫志祖撰

文選李注補正四卷 讀畫齋叢書本 國朝孫志祖撰

席氏讀說文記一至亥十四部 借月山房叢書本 國朝席世昌撰

段氏說文注訂八卷 青霞齋吳學圃局刻 國朝鈕樹玉撰

述學六卷 瑯嬛仙館刊本 國朝汪中撰

經義述聞二十七卷 學海堂刊本 國朝王引之撰

左海經辨二卷 三山陳氏刊本 國朝陳壽祺撰

左海文鈔三卷 三山陳氏刊本 國朝陳壽祺撰

四寸學六卷 三影閣刊本 國朝張雲璈撰

思適齋集十八卷 上海徐氏校刊本 國朝顧修撰

四書考異三十六卷 學海堂刊本 國朝翟灝撰

孟子正義三十卷 雕菴樓刊本 國朝焦循撰

詁經精舍文集十一卷 瑯嬛仙館刊本 國朝阮太傅訂

學海堂文集十六卷 啟秀山房刊本 國朝阮太傅訂

癸巳類稿十五卷 求日齋刊本 國朝俞正燮撰

并佳

散川書目甫意

二

後知不足齋校刊

通雅刊誤補遺一卷

浮山此藏軒刊本

國朝張裕葉補錄

馬牙

後身言目補遺

二

77
 16
 77

5

